




廿一史彈詞註卷之七

成都楊慎用修編著

漢陽張三異禹木增定



男仲璜別麓註 孫坦麟畫臣校

第七段 說隋唐二代 臨江仙

一片殘山并剩水年年虎鬪龍爭秦宮漢苑晉家營川  
源流恨血毛髮凜威靈 白髮詩人閒駐馬感時懷古  
傷情戰場田地好寬平前人將不去留與後人耕

詩曰

九里山前作戰場牧童拾得舊刀鎗烏江流水潺潺  
響彷彿虞姬哭霸王

彈詞註卷一

霸王烏江血未乾長陵樹老朔風寒千年暗草埋金  
谷幾輩征夫老玉關去鳥銷沉雲漠漠野花零落水  
潺潺豪華一去無踪跡留得虛名紙上看

廣坐休將詩漫講當場再把話評論要知古往今來  
事須問玲瓏剔透心萬卷詩書曾著意十年窗下苦  
勞心編成忠孝賢良傳寫就歎歎感歎文濟濟堂堂  
誇好漢轟轟烈烈顯功名凌雲壯氣冲牛斗對月高  
歌泣鬼神山雨洗青千古恨海風吹醒萬年魂脣鎗

嚇破奸邪膽舌劍恢弘壯烈人玉軫頻調諧妙韻冰  
絃細撥奉知音知音肯共梅窗月一曲梅花字字真  
昨來說至五胡擾亂總是翻雲覆雨今日把隋唐故典



看怎生作浪興風

隋者文帝楊堅其父楊忠周靜帝之臣官封隋國公死後堅嗣爵其女乃靜帝之母楊堅乃靜帝外公篡了外孫寶位是為隋

文帝改元開皇至九年己酉南取陳後主并天下為

一統開皇 仁壽在位二十四年傳

煬帝大業在位十三年

恭帝義寧在位一年

凡三主三十八年唐公李淵奪之而隋亡

唐者唐公李淵初為晉陽留守後受隋恭帝禪稱唐

高祖武德在位九年傳之太宗貞觀在位二十三年

彈詞註卷二

高宗永徽顯慶龍朔麟德乾封調露永隆開耀總章在位二十三年

永淳弘道在位二年中宗嗣聖廢居房州十四年

武后光宅垂拱聖曆久視如意長壽萬歲改唐為周天授如意長壽延載天冊萬歲萬

大足長安又十四年中宗景雲張復位反周為

唐神龍復位五年傳睿宗景雲太極在位二年

元宗開元天寶安史擾亂在位四十四年

肅宗靈武即位至德乾元上元復兩京寶應在位七年傳

代宗廣德永泰大德元和中貞元在位十七年

順宗永貞在位一年憲宗元和在位十五年

穆宗長慶在位四年敬宗寶曆在位二年

文宗太和開成武宗會昌在位六年在位十三年

宣宗

大中有十三年

懿宗

咸通十四年在

僖宗

乾符廣明中和光啓在位十五年

昭宗

龍紀大順景福乾寧光化天復天祐在位十六年

哀宗

天佑三年在

共二十一主享國二百八十九年而朱温滅之是為

梁朝

隋煬帝之末天下有六十四處烟塵十八處改年建號

今略題大槩說箇始末因緣

隋文帝强奪了外孫寶位

隋高祖文帝姓楊名堅弘農華陰人父忠仕魏及周封隋公堅襲爵進為王堅女為周宣帝贊后及宣帝子靜帝立是為堅外孫堅以太后父秉政遂弑靜帝奪周祚稱帝

彈詞註卷七

八年來興士馬大舉平陳

開皇八年文帝大舉伐陳以子晉王廣清河公楊素為行軍元帥以高颺韓擒虎賀若弼等分道並進若弼自廣陵濟江擒虎自橫江宵濟陳綠江諸戍望風盡走清河縣名屬廣平府廣陵縣名今廢入江都縣故址在揚州府北一十八里橫江浦在和州界對江南之采石往來濟渡處楊素字處道高颺字昭立

陳後主被擒來稱臣頰首

若弼敗陳師於蔣山獲其將蕭摩訶擒虎入建業陳後主叔寶投於井軍人以繩引出執送長安獻俘太廟封叔寶為長城公蔣山即江寧鍾山

捲江東包宇宙一統乾坤

滅梁平陳席捲江東混一南北至此天下一統

躬節儉省差徭叛降不納



帝躬履節儉乘輿服御破敝者隨令補用自非安享所食不過一肉後宮皆服澣濯之衣又制人年五十免役收庸輕徭薄賦先陳郅州城主張子璣叛陳以降帝弗納吐谷渾太子訶郅父請降帝曰父有過天子當諫諍豈可潛謀非法崑王既欲歸朕朕唯教崑王為臣子之法亦弗納 郢州劉宋所置今為武昌府即湖廣省訶吐谷渾太子名封崑王

### 制義倉勤聽政果斷剛明

度支尚書長孫平奏令民間每秋家出粟麥一石貧富為差以備凶年名曰義倉帝從之帝勤於政事每旦聽朝日昃忘倦性尤嚴重令行禁止革弊釐政果斷剛明

### 只可惜暗託付獨孤謀誤

### 退勳臣易太子轉眼無恩

帝與后獨孤氏甚相愛后性妬忌帝寵憚之后見朝士及諸王有妾孕者必勸帝斥之初尉遲迴女孫有美色帝幸之后陰殺之帝怒單騎入山谷高顯諫曰陛下豈以一婦人而輕天下后聞頗謂已為一婦人

彈詞註卷下

四

銜之會頗妾生男后諷帝黜退之太子勇多內寵妃元氏薨后意太子愛妾雲氏害之心彌不平遣人伺求勇過晉王廣知之彌自矯飾後庭有子皆不育后由是數賢廣廣自揚州入朝將還鎮入宮辭后伏地流涕曰臣不知何罪失愛東宮恒蓄盛怒欲加鳩害后忿然曰我在尚爾我死後當魚肉汝矣遂數詣勇殿中廣預擬帝不諱後事為書問僕射楊素素條入居事狀以報宮人誤送帝所帝覽之大恚帝所寵陳夫人侍疾旦出更衣為廣所逼拒之得免帝怪其神色有異問故夫人泣然曰太子無禮帝抵牾曰畜生何足付大事獨孤誤我顧氏曰楊堅牽制婦人至其晚年暗於付託 文

### 生長下惡冤家凶神逆子

### 到頭來遭獵食死不明

帝知廣不足付大事乃呼尚書柳述侍郎元巖曰召我兒述等將呼廣帝曰勇也述巖出閣為敕書楊素聞之白廣矯詔執述等繫獄令右庶子張衡入殿請疾盡遣後宮出就別室俄而帝崩中外頗有異論

隋煬帝不成才兇強惡劣

煬帝文帝第二子後追謚曰煬捷錄曰煬捷錄曰嗣政以來殺戮濫加虐焰大張九州為墟致天下沸湧灼爛號呼騰踏莫有救止法好內速禮曰煬 謚

殺親兄烝庶母犬豕存心

帝矯稱高祖之詔賜兄故太子勇死文帝妃陳氏為宣華夫人文帝崩廣遣使者封小金盒賜夫人夫人不肯致謝諸宮人共逼之乃拜使者其夜廣遂烝焉又文帝妃蔡氏容華夫人自請言事亦為廣所烝

大寶殿弑親爺稱尊即位

初廣侍疾於大寶殿令張衡入侍文帝遂崩後大業八年殺張衡臨刑大言曰我為人作何等事而望久活監刑者塞耳促令殺之觀此則廣之殺父無疑矣

倚富強矜智勇恣意荒淫

彈詞註卷一

五

自開皇仁壽以來倉庫盈溢國富兵強煬帝承藉餘緒慨然慕秦皇漢武之事侈靡土木無所不為荒淫無度造有迷樓御女車等事

悅女色縱奢華泥沙錦繡

帝恣意女色宮掖不可勝計嘗詔淮南等處閩視民間女子姿質端麗者每歲貢之又築西苑其內為海內綠渠為十六院每院以四品夫人主之堂殿樓觀窮極華麗宮樹秋冬彫落則剪綵為花葉綴於枝條色淪則易以新常如陽春龍舟皆以錦綵為袍又或以繒帛纏樹淮南即今揚州

弄刀兵貪土地螻螻人民

煬帝狹殷周之制度尚秦漢之規模驕怒之兵屢動土木之功不息頻出朔方三駕邈左旌旗萬里徵稅百端人民不堪命自是海內騷然節節作隋詩曰螻蟻人民貪土地泥沙金帛悅姬姜朔方今陝西寧夏衛遼衣即遼東邵康節名雍字堯夫謚康節范陽人流寓河南富弼司馬光治第留之扁其室曰安樂

窩號安

樂先生



廣倉廩築長城勞煩百姓

置洛口倉築倉城周二十餘里又置回洛倉於洛陽北七里築倉城周十里發丁男百餘萬築長城西距榆林東至紫河尋更自榆谷而東又復築之百姓死徙者遍道路洛口倉在河南府鞏縣西煬帝聚粟於此榆林隋初置榆林縣後改爲郡故城在大同府城西五百里紫河在大同府城西四百二十里長城在臨洮府城北秦始皇北築長城萬里起自臨洮即此處榆谷在臨洮府蘭縣西一百里有大小榆谷

開汴河實苑園蓋造宮庭

發河南諸郡男女百餘萬開通濟渠自西苑引穀洛水達於河自板渚引河入汴引汴入泗以通於淮又發河北男女開永濟渠引沁水南達於河北通涿郡命封德彞等營顯仁宮發大江以南五嶺以北奇林異石輸之洛陽又求海內嘉禾異草珍禽奇獸以實苑園自長安至江都置離宮四十餘所通濟渠即汴河故道一統志云其源舊自開封府滎陽縣東經東城內又東合蔡河名荈荈渠又名通濟渠東注泗州下入於淮累因河決其蔡河湮滅無迹而汴河自府西中牟縣入黃河矣穀洛淮泗皆水名汴河名河

彈詞註卷七

六

跨遼海討高麗勞民動衆

北黃河之北也永濟渠在東昌府館陶縣西二里漢名屯氏河隋疏爲永濟渠亦曰御河源自衛輝府輝縣東北流至臨清與會通河合流入海沁水源出沁州源縣綿山穿太行達濟源經武陟入黃河顯仁宮在河南府洛陽縣阜澗江都縣名屬揚州府離宮天子出遊之宮也

造龍舟恣遊賞北狩南巡

徵高麗王入朝不至裴矩說帝討之帝詔幽州總管元弘嗣往東萊海口造船三百艘官吏督役晝夜立水中自腰以下皆生蝨徵天下兵會於涿凡一百一十一萬三千八百八十人旌旗蔽千餘里載兵甲及攻取之具往還者常數十萬人死者相枕歷遼東跨大海自將討之如是者三高麗城守不下諸軍將多覆沒後徵兵每失期不至高麗亦因敝乞降乃止仍徵高麗王元入朝元竟不至天下騷動始相聚爲羣盜幽州今順天府東萊今萊州府涿今涿州

遣侍郎王弘等往江南造龍船及濞船數萬艘每御龍舟挽士八萬餘人南幸江都舳舻相接旌旗蔽野

又數北狩朔方歷榆林雲中泝金河突厥故民可汗  
奉盧帳以俟車駕帝幸其帳啟民奉觴上壽帝賦詩  
曰呼韓稽顙至屠者接踵來何如漢天子空上單于  
臺金河一統志云在大同府古雲內州東南一百  
五十五里西流入天瑞治呼韓那屠者皆  
單于之號其俗謂賢曰耆突厥北夸國名

### 勤採獵取鷹師論千撥萬

勤於遊獵連谷隴西拔延山等處長圍周二千里又  
徵天下鷹師悉集東京至者萬餘人東京煬帝以  
洛陽為東京尋  
改東京為東都

### 聚音樂陳百戲誇耀番人

初突厥故民可汗入朝帝大徵散樂以誇之後諸番  
來朝畢集洛陽陳百戲於端門執絲竹者萬八千人  
自昏達旦終月而罷所費鉅萬歲以為常百戲有  
魚龍爛漫俳優侏儒山車巨象板井種瓜殺馬剝驢  
等奇怪異端百  
有餘物故名

### 惡毒氣廣熏蒸普天之下

彈詞註卷七

七

### 歹名兒張掛徧率土之濱

李密檄煬帝十罪云普天之下率土之濱天地難容  
人神嗟憤書罪無窮流惡難盡三河縱封豕之貪四  
海被長蛇之毒  
李密字法士

### 民心變起烟塵六十四處

是時天下大亂盜賊  
蜂起凡六十四處

### 知世郎王簿者倡首山東

鄒平民王簿擁眾長白山剽掠齊濟之郊自稱知世  
郎言事可知矣鄒平縣名屬山東濟南府長白山  
在濟南府長山縣西南三十里山跨鄒平縣一十  
里又名會仙山齊今濟南府濟今兗州府濟寧州

### 張金稱高士達因而聚眾

鄒人張金稱聚眾於河曲蔣人高士達聚眾於清河  
鄒縣名今東昌府夏津縣河曲縣名屬太原府蔣  
縣名故城在河間府景州城內  
清河隋縣名今東昌府武城縣



孫安祖劉霸道發怒生嗔

孫安祖漳南人竇建德集無賴少年數百人使安祖將之入高雞泊中為盜平原東有豆子訖羣盜多匿其中劉霸道者家於其旁喜使食客常數百人遠近多依之有衆十餘萬號阿勇賊漳南漳水之南也漳水在順德府平鄉縣西南高雞泊在大名府界平原縣名屬濟南府豆子訖地名在平原縣東阿勇賊之號訖音剛上聲

竇建德苗海潮東西響應

渤海竇建德起兵漳南自稱長樂王下邳苗海潮聚衆為盜後附杜伏威渤海今河間府滄州長樂今真定府冀州下邳今淮安府邳州

郝孝德孫宣雅遠近傳聲

平原郝孝德渤海孫宣雅各聚衆十萬與王簿等結連

吳朱燮晉管崇江東舉事

彈詞註卷七

吳人朱燮為崑山縣博士與數十學生起兵民苦役者赴之如歸晉陵人管崇羣盜奉之時帝在涿郡命虎牙郎將趙六兒屯揚子以備南賊崇遣將陸顛襲破之衆至十萬吳今蘇州府崑山縣屬蘇州府晉陵郡名今常州府揚子江名在儀真縣西經通泰二州入於海

杜伏威輔公祐淮楚稱兵

章邱杜伏威與臨濟輔公祐為刎頸交俱亡命為羣盜轉掠淮南諸郡據歷陽伏威僭號吳王章邱縣名屬濟南府臨濟今青州府臨淄縣歷陽今江南和州

王須拔魏刁兒剪滅燕趙

上谷人王須拔起兵平恒自稱漫天王國號燕賊帥魏刁兒自稱歷山飛北連突厥南寇燕趙上谷今保安州燕今順天府趙今真定府趙州

甄翟兒扶助起殘害人民

甄翟兒初為魏刁兒部將所至殘害後復號歷山飛轉寇太原

郭方預孟海公各誇英勇

北海人郭方預自號盧公攻陷郡邑濟陰人孟海公據周橋見人稱引書史輒殺之北海隋郡名今青州府濟陰令

兗州府曹州

燕格謙齊孟讓儘力橫行

渤海賊帥格謙據豆子航自稱燕王齊人孟讓自長白山寇掠諸郡至盱眙衆十餘萬據都梁宮盱眙縣名屬鳳陽府都梁宮在盱眙縣西南三里今名都梁臺遺址尚存

楊元感益招呼蒲山李密

楚公楊元感素之子煬帝征高麗命元感於黎陽督運遂舉兵反蒲山公李密初為左親侍至是元感以密為謀主引兵向洛陽隋屈突通擊之元感敗死密亡匿後翟讓起兵推密為主號魏公蒲山縣名未詳處所惟嘉興府平湖縣東南三十里有蒲山瀕海黎陽今大名府濬縣魏郡名今大名府

太原公攬掇起留守唐公

彈詞卷七

九

龍西成紀人李淵父昞仕周封唐公淵襲爵為太原留守子世民說淵曰主上無道百姓困窮不若順民心以興義兵淵大驚曰汝安得為此言明日世民又說之晉陽令劉文靜說宮監裴寂勸淵舉兵寂謂淵曰二郎陰養士馬欲舉大事衆情已協公意何如淵然之司馬許世緒司鑑武士護皆共勸淵乃使文靜詐為敕書發太原等郡鐵武士二十已上為兵擊高麗由是人情洶洶思亂者衆乃命世民文靜等各募兵遠近赴集遂殺副留守王威高君雅尊天子為太上皇立代王侑為帝移檄郡縣成紀今鞏昌府秦州

史萬寶李仲文長安接應

何潘仁邱師利整衆相從

向善志力扶持孫華鼓舞

淵婿柴紹赴太原妻李氏歸鄠縣別墅散家貲聚徒衆淵從弟神通亦在長安亡入鄠縣山中與長安大俠史萬寶等起兵應淵西域商胡何潘仁中與長安大為盜李氏使其奴馬三寶說潘仁就神通合勢攻鄠縣下之李氏又使三寶說羣盜李仲文向善志邱師利皆從之馮翊人孫華聚衆數萬最強亦附焉自是



關中羣盜悉降於淵 鄠縣屬西安府司竹園在  
西安府盩厔縣東周迴百里馮翊今西安同州

梁師都煽惑起薛舉稱秦  
朔方郎將梁師都殺郡丞據郡反稱帝國號梁金城  
校尉薛舉起兵金城自稱西秦霸王攻陷隴右諸郡  
後稱秦帝徙據天水 金城隋郡名今  
陝西臨洮府蘭州天水今鞏昌府秦州

### 王德仁劉苗王喧呼北地

王德仁起兵於鄴擁眾保林慮山自號太公離石胡  
劉苗王自稱天子以其弟六兒為永安王眾至數萬  
林慮山一作隆慮山在彰德府林縣西北二十五  
里離石地名在太原府劉淵嘗都於此苗王淵之裔  
故曰離  
石胡

### 母端兒敬盤陲叫喊龍門

賊帥母端兒擁眾據龍門帝召李淵討之敬盤陲為  
絳郡賊帥李淵亦擊降之 龍門今平陽府河津縣  
絳郡今平  
陽府絳州

彈詞註卷七

### 左才相李子通依山據海

左才相起兵齊郡僭號博山公東海賊帥李子通起  
兵海陵自號楚王寇江都後稱吳帝 東海隋郡名  
今淮安府海州海  
陵今揚州府泰州

### 沈柳生梁蕭銑打鬧江陵

已陵校尉董景珍等據郡叛以羅川令蕭銑梁室之  
後迎奉之甫募兵會潁川賊帥沈柳生寇羅川銑與  
戰不利因謂眾曰巴陵豪傑欲奉吾為主若從其請  
可以中興梁祚以此召柳生亦當從我矣乃改隋服  
色旗幟皆如梁舊柳生即帥眾從之進克江陵遂稱  
梁王 巴陵縣名屬岳州府羅川隋縣名今慶陽府  
真寧  
縣

### 劉武周郭子和山西結黨

馬邑校尉劉武周殺太守王仁恭北連突厥翊衛郭  
子和亦起兵於榆林自號永樂王北赴突厥始畢以  
武周為定楊天子子和為平楊天子子和固辭乃更  
以為屋利設 馬邑縣名屬大同府永樂今保定府

滿城縣屋利設突厥俗謂別部  
典兵者曰設屋利乃一設之號

### 林士弘操師乞江廣憑陵

鄱陽賊帥操師乞自稱元興王攻陷豫章郡以其鄉  
人林士弘為大將軍帝以治書侍御史劉子翊討之  
殺師乞士弘代統其眾攻殺子翊自稱帝國號楚北  
自九江南及番禺皆為所有鄱陽縣名屬江西饒  
州府豫章今江西南昌府九江今江  
西九江府番禺縣名屬廣東廣州府

### 徐世勣王伯當榮陽抄掠

### 王當仁周文舉鞏洛崢嶸

翟讓起兵離狐徐世勣年十七說讓曰榮陽梁郡汴  
水所經剽行舟商旅足以自資讓然之引眾入二郡  
界掠公私船時又有濟陽王伯當外黃王當仁韋城  
周文舉皆擁眾為盜李密說之皆附於讓進攻榮陽  
殺通守張須陁離狐縣名故城在兗州府曹縣界  
內榮陽縣名屬開封府濟陽縣名故城在兗州府曹  
縣西南五十里外黃縣名故城在開封府杞縣東  
北韋城縣名故城在大名府滑縣東南五十里

彈詞註卷七

十一

### 劉元進沈法興聚朋江表

餘杭劉元進起兵據吳郡朱變管崇等推為天子吳  
興太守沈法興起兵據江表十餘郡稱王毘陵餘  
杭縣名屬杭州府吳興今湖  
州府毘陵今江西南常州府

### 左孝友盧明月發恨齊東

齊郡賊左孝友眾十萬屯蹲狗山涿郡賊盧明月眾  
十餘萬軍祝阿蹲狗山未詳處所祝阿今兗州府  
縣東阿

### 楚朱粲楊士林互相攻討

城父朱粲始為縣左史聚眾為盜謂之可達寒賊自  
稱迦樓羅王引兵掠荆沔及山南郡縣所過噍類無  
遺淮安土豪楊士林起兵攻粲粲敗奔菊潭士林帥  
漢東四郡降唐以為顯州道行臺城父故城在鳳  
陽府亳縣東南七十里荆州沔今湖廣沔陽州  
菊潭在南陽府內鄉縣西北顯州今南陽府泌陽縣

### 裴長才白瑜娑嘯聚山林



賊帥裴長才眾二萬與王簿孟讓等結連進攻幸即  
靈武白瑜娑劫牧馬連突厥隴右謂之奴賊 靈武  
西寧夏衛城南

### 李公逸單雄信糾合翟讓

韋城翟讓為東郡法曹坐事當斬亡命於瓦岡為羣  
盜單雄信聚少年往從之雍邱盜李公逸亦附焉後  
畧取河南諸郡 雍邱今開封府杞縣

### 王世充乘勢反占了東京

王世充西域胡人姓支氏父收幼從母嫁王氏遂冒  
其姓煬帝以世充為江都官監後輔越王侗於洛陽  
為僕射世充自稱鄭王  
尋弒侗稱帝據東京

### 高開道起漁陽自稱燕主

高開道格謙部將謙死開道收餘眾後據  
漁陽自稱燕主 漁陽今順天府薊州

### 宋金剛興易水自在縱橫

宋金剛起兵易州為竇建德所敗降於劉  
武周武周號曰宋王 易州屬保定府

彈詞註卷七

### 涼李軌自稱王河西據土

武威司馬李軌起兵河西自稱涼王攻陷張掖城  
煌西平抱罕盡有河西五郡 河西即今甘肅鎮

### 徐圓朗居海島陷了東平

魯郡徐圓朗攻陷東平郡遂據兗州并有海  
岱 魯郡今濟南府東平州名屬兗州府

### 虎賁郎名羅藝幽州抗命

虎賁郎羅藝起兵涿郡殺渤海太守唐禕等柳城懷  
遠並歸之藝自稱幽州總管 柳城故城在永平府

城西二十里  
懷遠鎮名

### 守新鄉劉黑闥背主降人

劉黑闥漳南人與竇建德善後事王世充常竊笑其  
所為世充使守新鄉黑闥遂降建德署為將軍 新

鄉縣屬  
衛輝府

辛未歲為饑荒干戈亂起

大業七年辛未煬帝征高麗死者相枕民生計無遺加之饑饉采樹皮葉或擣藁煮土而食之諸物皆盡乃自相食相聚為羣盜

丙子年隋煬帝遊幸蕪城

大業十二年丙子帝如江都以越王侗留守任崇崔民象王受仁等以盜賊充斥不宜遊幸上表極諫皆殺之遂幸蕪城復營宮室自是不復返東都矣蕪城即古邗溝城吳王濞故都後荒蕪鮑照作蕪城賦鮑照字明遠杜詩所謂俊逸鮑參軍也今黃梅縣治即照宅

丁丑年十二處改稱年號

按煬帝大業十三年丁丑改年號者止八處恭帝侑義寧元長樂王竇建德丁丑元魏公李密元定楊可汗劉武周大興元梁王梁師都永隆元秦王薛舉泰興元梁王蕭銳鳴鳳元楚帝林士弘太平二年至戊寅又改元者四後恭帝侗皇泰元唐高祖武德元涼王李軌安樂元楚王朱粲昌達元兩年改號共十一

處  
彈詞註卷七

李世民十八歲舉義興兵

李世民唐公淵之第二子年十八見隋室方亂陰有安天下之志傾身下士散財結客劉文靜見而異之謂裴寂曰此人雖少命世才也世民就文靜定計乘間說淵舉義淵大驚世民曰天時人事如此願大人勿疑淵乃歎曰汝言亦大有理今日破家亡軀由汝化家為國亦由汝矣遂起兵太原

扶立起老令公大唐高祖

李淵起兵後立隋代王侑為帝淵自為大丞相封唐王以武德殿為丞相府改教稱令及煬帝被弑淵遂受隋恭帝禪稱皇帝國號大唐是為唐高祖

據長安平禍亂濟世安民

淵起兵太原遣世民擊西河郡拔之尋取霍邑進圍河東世民說淵西趣長安乃留諸將圍河東自引兵而西世民狗渭北吏民及羣盜歸之如流遂進克長安悉除隋苛禁約法十二條初世民年四歲有書生



見而異之曰龍鳳之姿天日之表其年幾冠必能濟世安民故採其語名曰世民 西河隋御名今山西汾州霍邑今平陽府 霍州河東今平陽府

### 戊寅年隋煬帝江都遇害

### 宇文家冤業報化及行兇

戊寅恭帝侑之義寧二年也煬帝在江都荒淫益甚見天下危亂退朝則幅巾短衣徧歷臺閣汲汲顧景惟恐不足常仰視天文謂蕭后曰外間大有人圖儂然且共樂飲耳引鏡自照曰好頭頸誰當斫之后驚問故帝笑曰貴賤苦樂更迭為之亦復何傷見中原已亂無心北歸乃命治丹陽宮將徙都之時從駕驍果多關中人思歸郎將司馬德戡裴虔通等共謀亡去以告將作少監宇文智及因請以智及兄許公化及為主乃召驍果夜自元武門入帝聞亂易服逃於西閣虔通等入永巷問陛下安在有美人出指之校尉令狐行達拔刀直進扶帝下閣勒兵守之至旦虔通逼帝出宮化及曰何用持此物出亟還與手於是引帝還至寢殿虔通等露刃侍立帝曰今日之事孰為首取德戡曰溥天同怨何止一人帝遂遇害初文

彈詞註卷一

十四

### 趙王杲可憐兒長號見殺

趙王杲煬帝愛子時年十三化及作亂杲在帝側號慟不已裴虔通斬之血湔帝衣

### 大麻繩網頸下送了三魂

化及欲弑帝帝曰天子死自有法何得加以鋒刃取鳩酒來賊黨馬文舉不許使令狐行達縊殺之蕭后令宮人撤牀簣為棺以埋之

### 拋撇下兩孤孫權臣侮弄

煬帝三孫代王侑燕王倓趙王侗皆元德太子昭之子也倓為化及所害李淵入長安立侑為帝後禪位於唐封儂國公是為潞國公後裴仁基等謀誅世充東世充篡位封為潞國公後裴仁基等謀誅世充東世充齊鴟詣侗侗布席禮佛曰從今以往願不生帝王家歎藥不能絕盜殺之為謚為恭帝 儂今東平儂亭

是潞今山  
西潞州

### 四十年隋社稷化作灰塵

隋自文帝至恭帝共三十八年禪於唐而隋亡

### 唐高祖創業成李家天下

時方士言楊氏將滅李氏當為天子唐公李淵承亡隋之敝受恭帝禪即位是為高祖神堯帝後武后時蘇安恒疏言天下者高祖太宗之天下也陛下貪其寶位而忘母子深恩將何顏見唐家宗廟臣以為天意人事還歸李家太后亦不罪

### 小秦王佐乃父打就乾坤

李世民年十八勸父舉義高祖即位爵封秦王時軍中號為小秦王顧氏曰太宗以不世出之英主首建大謀佐父削平海內尺土寸基皆其功也又曰六年之間定宅九圍何成功之速哉蓋以太宗為之子也

### 縛建德降世克親擐甲胄

彈詞註卷一

十五

帝命秦王督軍伐鄭主王世充屯於北印屈突通引兵至世充戰敗秦王遂圍洛陽世充求救於夏王竇建德建德救之郭孝恪謂秦王曰世充窮感建德遠來助之此天意欲兩亡之也秦王中分麾下使屈突通守東都自將驍勇趣武牢北濟河南建德悉眾出牛口秦王率輕騎直薄其陳建德中掣楊武威逐之建德墜馬武威擒之囚至洛陽以示世充世充諸將曰吾所恃者夏王今已被擒雖得出將以無成世充遂降秦王選精銳千騎皆皂衣元甲分為左右使尉遲恭秦叔寶將之每戰秦王自被元甲帥之以為前鋒所向摧敗敵人畏之鄭今開封府鄭州北印山名在河南府城北一十里山連偃師鞏孟津三縣綿亘四百餘里東漢諸陵及唐宋名臣墳多在此東都即洛陽武牢即虎牢關牛口峪名在真定府臨城縣西二十里

### 破武周擒仁杲自運戈兵

定揚可汗劉武周攻并州晉陽土豪薛深開城納之齊王元吉奔長安關中大震帝欲棄大河以東謹守關西秦王曰太原王業所基河東殷實願假精兵三萬必復汾晉帝乃發關中兵使擊之秦王與武周將



宋金剛相持金剛食盡北走秦二進及金剛將尋相  
於呂州大破之乘勝逐北一晝夜戰二破之秦王不  
十合追及金剛於雀鼠谷一日八戰皆破之秦王悉  
食者二日不解甲者三日金剛將尋相尉遲敬德悉  
降武周間金剛敗棄并州走突厥金剛走死并州悉  
平仁果薛舉之子舉卒仁果襲位為秦王攻唐涇州  
秦王擊破之進至高撫仁果使宗羅喉拒戰秦王引  
大軍自原北出其不意羅喉大潰秦王率二千餘騎  
追之圍其城北仁果計窮出降斬之并州今太原府  
汾今山西汾州晉唐初州今平陽府呂州隋初所置  
故城在平陽府霍州西五里雀鼠谷在汾州介休縣  
西南二十一里涇州屬平涼府高撫地名在隴西原  
北淺水原  
之北也

### 行戰討掃烟塵一十四載

秦王起兵時年十八至即位年三十  
一歷戰討以定天下者凡一十四年

### 攻堅城陷強敵幾度勞心

凡攻城陷陣秦王身先士卒  
卒謀畧無比所向皆克

彈詞註卷七

六

### 用人物總賢才房謀杜斷

帝以秦王為天策上將開館以延文學之士杜如晦  
房元齡等共十八人為學士秦王使如晦參謀帷幄  
軍中多務割決如流每克城諸將爭取寶貨元齡獨  
收采人物置之幕府後秦王即位並以為僕射兩人  
引拔士類常如不及帝每與元齡謀事必曰非如晦  
不能決及如晦至卒用元齡之策元齡善謀如晦善  
斷同心狗國故唐世稱賢相者推房杜焉如晦善  
克明封萊國公杜陵人元齡字喬孫世居臨淄諡文  
昭

### 尉遲恭秦叔寶慣戰能爭

尉遲敬德先為宋金剛將善避稍每單騎入賊羣刺  
之不能傷金剛敗敬德遂降後金剛降將多叛去諸  
將疑敬德囚之秦王引入卧内賜之金曰丈夫意氣  
相期必欲去者以此金相資已而秦王以五百騎行  
戰地世充帥騎萬餘圍之單雄信引禦直趣秦王敬  
德躍馬大呼橫刺雄信墜馬翼秦王出世充敗走秦  
王謂曰公何相報之速也建成以書招之贈金一  
車固辭秦王曰公心如山岳雖積金至斗豈能移之

從討竇建德王世充劉黑闥功居多以功累封鄂國公初世充以秦叔寶為將軍秦叔寶疾其多詐會世充與唐兵戰於九曲叔寶遂降秦王厚禮之以為總管從征戰有功累官左武衛大將軍封胡壯公九曲地名在隴西尉遲恭字敬德馬邑人秦叔寶名瓊歷城人

### 臨湖殿舉于戈三王定統

帝以子建成為太子世民為秦王元吉為齊王建成喜酒色遊畋元吉多過失皆無寵秦王功名日盛建成內不自安與元吉協謀欲共害之密請殺秦王秦府僚佐皆惶懼不知所出房元齡等密勸決計會太白再經天傳奕密奏太白見秦分秦王當有天下帝以其狀授秦王因密奏建成元吉淫亂後宮且曰臣於兄弟無絲毫負今欲殺臣以為世充建德報仇帝驚報曰明當鞫汝宜早參明日秦王帥長孫無忌等伏兵於元武門張婕妤竊知秦王表意馳語建成召元吉謀之元吉曰宜勒兵不朝以觀形勢建成曰兵備已嚴當俱入參自問消息乃俱入至臨湖殿覺有變欲還秦王追射建成殺之尉遲敬德射殺元吉於是東宮齊府將帥薛萬徹等率眾大至攻元武門敬德以二人首示之乃散去帝方泛舟海池秦王

彈詞註卷七

七

使敬德揮甲持矛直至上所奏曰太子齊王作亂秦王兵已誅之矣恐驚動陛下遣臣宿衛帝謂裴寂等曰不圖今日乃見此事蕭瑀陳叔達曰建成元吉疾秦王功高共為奸謀今秦王已討而誅之陛下若處以元良無復事矣帝乃召秦王撫之秦王跪吮帝乳號慟久之遂立為皇太子晉國庶事悉委太子處決然後聞奏建成元吉諸子皆坐誅無忌字輔畿洛陽人

### 老糊塗無決斷同氣相刑

初秦王勸帝起兵帝曰事成當以汝為太子及即位不立世民而立建成後建成忌之私使慶州都督楊文幹募壯士以圖世民文幹行還立汝為太子文幹事連建成恐應之者眾汝宜自行還立汝為太子吾不能效隋文帝自誅其子當封建成為蜀王蜀兵脆弱不能事汝取之易耳世民既行元吉與妃嬪更迭為建成請帝意遂變遣建成還守京師惟責以兄弟不雍而止後秦王與太子嫌隙益深汝之功吾欲立汝為嗣汝固辭且建成年長為嗣日吾不忍奪也觀汝兄弟似不相容不可同處當遣汝居洛陽自陝



恐秦王至洛陽不可復制不如留之長安一匹夫耳  
乃密令人上封事帝遂止房元齡謂長孫無忌曰莫  
若勸王行周公之事以安國家遂有六月四日臨湖  
之變司馬公曰高祖所以有天下皆太宗之功隱太  
子以庸劣居其右地嫌勢逼必不相容卒為羣下所  
迫遂至喋血禁門推刃同氣惜哉 慶州今陝西慶  
陽府蹀履也謂殺人血流履步

### 唐太宗登寶位神文聖武

武德九年六月高祖立世民為皇太子即自稱太上  
皇詔傳位太子世民固辭不許八月太子即位是為

武宗文

瑣按史載明皇八年太白山人李暉上言見神人言  
金星洞有玉板石記聖主福壽之符命王鉷求獲之

帝以符瑞上高祖謚曰神堯太宗曰文武羣臣請上  
明皇尊號曰開元天地大寶聖文神武應運皇帝今

以太宗稱神文  
聖武考無所據

### 舉讐臣放怨女發政施仁

彈詞註卷七

大

初建成太子中允王珪洗馬魏徵常勸建成早除秦  
王及建成敗帝詔徵謂曰汝何為離間我兄弟徵對  
曰先太子早從徵言必無今日之禍帝改容禮之引  
為詹事主簿亦召王珪於雋州以為諫議大夫後帝  
宴羣臣於丹霄殿長孫無忌曰王珪魏徵昔為仇讐  
不謂今日得同此宴帝曰徵珪盡心所事故我用人  
帝即位初首放宮女三千餘人貞觀二年中書舍人  
李百藥言往雖出宮人無用者尚多帝又簡出三千  
餘人 雋州本西南夷邛都國地屬四川王  
珪字叔珍邛縣人魏徵字元成下曲陽人

### 興學士講經書招賢納諫

帝置弘文館聚四庫書二十餘萬卷選天下文學之  
士虞世南褚亮姚思廉歐陽詢蔡允恭蕭德言以本  
官兼學士令更日宿直聽朝之隙引入內殿講論前  
言往行商確政事或至夜分方罷帝求賢若渴納諫  
如流 弘文館在西安府治東北五里世南字伯施  
餘姚人褚亮字希明錢塘人思廉武康人歐陽詢字  
信本臨湘人  
德言字文行

### 輕差徭薄稅斂惜愛生靈

帝愛養百姓輕徭薄稅且賑恤蠲租屢見舉行

### 罷鷹犬吞蝗蟲人心頂戴

帝縱禁苑鷹犬罷四方貢獻畿內蝗帝入苑中見蝗撥數枚祝之曰民以穀為命而汝食之寧食吾之肺腸遂吞之是歲蝗不為災

### 盜賊消糧食賤海內昇平

帝與羣臣論止盜或請重法以禁之帝曰朕當去奢省煩輕徭薄賦選用廉吏使民衣食有餘則自不為盜安用重法耶自是數年之後天下大稔斗米不過三四錢海內昇平路不拾遺商旅野宿焉

### 同漢高符魏祖的真英主

初晉陽令劉文靜見世民謂裴寂曰此非常人豁達類漢高神武同魏祖後高祖使李密迎世民於幽州密一見驚服私謂殷開山曰真英主也不如是以定禍亂乎文靜武功人裴寂蒲州人開山鄆縣人

### 畫凌烟圖王會彪炳丹青

彈詞卷七

元

帝圖功臣於凌烟閣趙公長孫無忌河間元王孝恭萊成公杜如晦鄭文貞公魏徵梁公房元齡申公高士廉鄂公尉遲敬德衛公李靖宋公蕭瑀褒忠壯公段志元夔公劉弘基蔣忠公屈突通鄖公殷開山譙襄公柴紹祁襄公長孫順德鄭公張亮陳公侯君集鄭襄公張公謹盧公程公節永興文懿公虞開山渝襄公劉政會苦公唐儉英公李世勣胡壯公秦叔寶二十四人時遠方諸國朝貢者甚眾中書侍郎顏師古請作王會圖以示後從之凌烟閣在西安府城中唐之西內太極殿之東士廉名儉李靖字藥師三原人蕭瑀字時文志元臨淄人柴紹字嗣昌順德無忌子公謹字弘慎繁水人君集三水人世勣字懋功曹州人本姓徐賜姓李

### 大體段好規模高出千古

歐陽修謂帝除亂比湯武致治幾成康尹氏曰太宗武定亂畧文致太平論功較德直與古帝王並驅爭先

就中間剛扭捏不滿人心



舉大事自早微劫父臣虜

高祖初為太原留守與宮監裴寂有舊每相宴語或連日夜世民欲起義恐父不從乃因寂關說寂先以晉陽宮人侍淵飲酒酣寂從容言曰二郎陰養士馬欲舉大事正為寂以宮人侍公恐事覺并誅耳淵曰事已如此當復奈何正須從之耳及起兵晉陽劉文靜勸淵與突厥相結資其士馬以益兵勢淵自為手啟甲辭厚禮遺始畢可汗始畢得啟云苟唐公自為天子我當以兵馬助之遣其柱國康鞘利送馬千匹為互市許發兵送淵入關淵拜受書遣文靜至突厥請兵與之約曰若入長安民衆土地入唐公金玉繒帛歸突厥始畢大喜胡氏曰隋煬弑父殺兄李淵聲其大逆不道之罪舉兵討之世民不必用宮人私侍以劫父也不必詐為救書發民以鼓怨也不必稱臣突厥也不必尊江都而立代王也不必推獎李密也收召豪傑分擊二京義聲既震天下歸唐其孰禦之惜乎乘時舉事雖不旋踵成功而用智術違義理者矣多

亂人倫納弟婦貽誚辰羸

彈詞卷七

三

巢刺王元吉妃楊氏帝納之有寵生子曹王明文德皇后長孫氏崩帝欲立楊氏為后魏徵諫曰陛下方比德唐虞奈何以辰羸自累乃止尋以明繼元吉後范氏曰太宗殺弟而納其妃瀆人倫甚矣又以明繼元吉後是彰其母之為弟婦也帝先追封元吉為海陵刺王後詔號巢刺王按謚愎狠遂過不思忌愛曰刺巢封邑名今無為州巢駭辰羸懷羸也晉太子圍質於秦秦以羸氏妻之後圍逃歸是為懷故羸氏號懷羸及重耳奔秦秦伯納女五人懷羸與焉蓋重耳之嬖婦也今妃為太宗弟婦故徵以此為喻

君臣義不克終停婚失信

鄭公魏徵寢疾帝至其第指衡山公主欲以妻其子叔王徵薨帝自製碑文並為書石後有言徵自錄前後諫辭以示起居郎褚遂良者上不悅乃罷叔王尚主並陪所撰碑顧氏曰停婚陪碑而君臣之義以絕

衡山今衡州府  
衡陽縣陪碑同仆

戰爭心無厭足跨海東征

高麗東部大人泉蓋蘇文手弑其王建武帝曰蓋蘇文弑君不可不討故自征高麗始末良曰高麗誠當

致討但命一二猛將往不必軍大總管下詔親征世  
帝不拔蓋牟城以其城為遼州進攻安市城大破其救兵  
於城下帝刻石紀功驛書報太子曰朕為將如此何  
如及攻安市晝夜不息凡六旬不能克帝以遼左早  
寒草枯水凍乃敕班師渡遼暴風雪戰士死者無算  
宗遼東之行非為蘇文之弑君實欲購所長以誇大  
天下而已其少時親見隋煬之事固已技癢於中故  
必欲親征遠與隋煬爭勝近與臣下爭功必欲獨勝  
當世人皆莫及而不料小醜之能抗也好勝不止自  
取挫衄可勝惜哉 泉蓋蘇文自云生水中以惑人  
故姓泉氏高麗今朝鮮國蓋州遼州俱今奉天府

### 三網敲十漸非投懷青雀

程伊川曰唐有天下如貞觀開元雖號治平然三網  
不正無君臣父子夫婦之倫其原皆始於太宗魏徵  
上疏以為陛下志業比貞觀初漸不克終者凡十初  
清淨寡欲今訪求珍怪一漸也初不輕營為今肆用  
人力二漸也初役已以利物人遠君子四漸也初不貴  
初親君子斥小人今褻小人遠君子四漸也初不貴  
異物今玩好雜進五漸也初求士如渴今由心好惡  
六漸也初無田獵之好今馳騁為樂七漸也初遇下  
有禮今詰責細過八漸也初孜孜求治今長傲黷武  
九漸也初撫寧戶口死不攜貳今徭役勞敝百姓不  
帖十漸也 投懷青雀註見下

### 廢承乾併魏泰國本幾傾

帝太子承乾喜聲色畋獵所為奢靡魏王泰多能有  
寵潛有奪嫡之志太子畏其逼陰善刺客紇于承基  
等謀殺之吏部尚書侯君集怨望以太子暗劣欲承  
繼圖之因勸之反會承基坐事繫獄上變告太子謀  
反帝面責承乾承乾曰臣為人遂教臣為不軌今若泰  
所圖謀自安之術不逞之人遂教臣為不軌今若泰  
為太子既廢泰日入侍奉帝許立為太子長孫無忌  
固請立晉王治帝謂侍臣曰昨青雀投我懷云臣今  
日始得為陛下子臣有一子臣死之日當為陛下殺  
之傳位晉王朕甚憐之諫議大夫褚遂良曰陛下萬  
歲後魏王據天下之重肯殺其愛子遂良曰晉王哉今  
必立魏王願先措置晉王始得安全上始悔曰我欲



治矣遂立治為太子謂侍臣曰若立承則承與  
萊郡王幽之北苑 青雀魏王  
泰小字東萊今山東萊州府

### 唐高宗初倚任遂良無忌

太宗寢疾長孫無忌褚遂良受遺詔輔政謂太子曰  
無忌遂良在汝無憂天下尋崩太子治即位是為高  
宗以無忌為太尉遂良為吏部尚  
書同三品 遂良字登善錢塘人

### 納父妾貶耆舊漸不聰明

初太宗納故荊州都督武士護女立為才人太宗崩  
帝拜為昭儀帝欲廢皇后王氏而立昭儀為后恐大  
臣不從乃與昭儀幸長孫無忌第拜無忌寵姬子三  
人皆為朝散大夫仍載金寶繒錦十車以賜無忌帝  
因言皇后無子以讓之無忌對以他語帝與昭儀皆  
不悅而罷後召無忌遂良等入內殿帝曰皇后無子  
武昭儀有子今立為后何如遂良曰先帝臨崩執陛  
下手謂臣曰朕佳兒佳婦今以付卿非有大故不可  
廢也明日帝又言之遂良曰陛下必欲易皇后請擇  
令族何必武氏武氏經事先帝眾所共知萬代之後

彈詞註卷七

三

謂陛下為何如主臣今忤陛下意罪當死因置笏於  
殿階叩頭流血曰還陛下笏乞放歸田里帝大怒昭  
儀在簾中大言曰何不撲殺此獠無忌曰遂良受先  
朝顧命有罪不可加刑帝乃貶遂良為潭州都督尋  
改貶遠州刺史武氏又以無忌受重賞而不助已深  
怨之會人告太子洗馬韋季方罪敕許敬宗鞠之敬  
宗因誣季方欲與無忌謀反帝乃削其官封黔州安  
置韓瑗涕泣極諫曰陛下無故棄逐舊臣恐非國家  
福不聽 潭州今湖廣長沙府黔  
州今大名府開州護音獲療音聊

### 果然是雉兒懦不堪負荷

初太宗疑帝柔弱密謂長孫無忌曰雉兒懦恐不守  
社稷吳王恪英果類我我欲立之無忌固爭以為不  
不可乃止  
維奴帝小字

### 任中宮稱二聖背禮忘恩

武后名曩性明敏涉獵文史帝每視事后垂簾於後  
政無大小皆預聞之大權悉歸中宮帝拱手而已中  
外謂之二聖 武后母章氏夜夢

王皇后蕭淑妃二姬骨醉

皇后王氏寵雖衰帝未有廢意也會武昭儀生女后  
憐而弄之后出昭儀潛扼殺之帝至昭儀陽歡笑發  
被視之女已死矣即驚啼問左右皆曰皇后適來此  
帝大怒曰后殺吾女昭儀因泣數其罪后無以自明  
帝乃廢后為庶人與淑妃蕭氏並囚於別院帝嘗念  
之問行至其所呼之王后泣對曰至尊若念疇昔念  
得再見日月幸甚帝曰朕即有處置武后聞之大怒  
遣人斷去手足投酒甕中曰令二姬骨醉數日俱死  
又斬之

長髮尼權在手瘴氣吞聲

初帝為太子入侍太宗見武氏悅之太宗崩武氏出  
為尼忌日帝詣寺行香見之泣時淑妃有寵王后疾  
之后陰令長髮尼之後宮欲以間淑妃之寵武氏亦  
屈身忍辱奉順帝意帝大寵幸排羣議而立之及得  
志專作威福帝動為所制不勝其忿會宦者王伏勝  
發其使道士郭行真出入禁中為厭禱事帝密召上  
官儀議之儀請廢之帝即命草詔左右奔告於后后  
遽詣帝自訴帝羞縮不忍乃曰我初無此心皆上官  
儀教我於是后使許敬宗誣奏儀與伏勝殺之顧氏  
曰后以虺蜴之心豺狼之性一旦太阿在手女可殺  
子可殺皇后可殺而何有於李氏哉

唐中宗癸未年殘冬即位

高宗弘道元年癸未冬十二月  
帝崩太子哲即位是為中宗

武則天稱太后自主朝廷

初高宗上元元年帝稱天皇皇后稱天后後遺詔軍國  
大事有不決者兼取天后進復中宗立尊天后為皇  
太后政事咸取決焉後中宗復  
位上尊號曰則天大聖皇帝

甲申年二月間裴炎作禍

被雌龍生毒害貶做廬陵

中宗改元嗣聖元年正月立妃韋氏為皇后先是高  
宗疾甚夜詔裴炎受遺詔輔太子次年甲申二月中  
宗欲以元貞為侍中書令裴炎固爭中宗怒  
下詔以元貞為侍中書令裴炎固爭中宗怒



后密謀廢立太后集百官於乾元殿對兵元貞與已  
分權不若倚后為重而不為唐室遠慮以啓革命屠  
戮之禍罪不止於廢君已也 廬陵縣名屬吉安府

### 豫王旦順母情暫登龍宸

太后立高宗第八子豫王旦為皇帝居別殿不得有  
所預政事皆決於太后旦後為睿宗 豫唐州名今

河南汝  
寧府

### 母居中立年號溷亂文明

睿宗二月改中宗嗣聖元年為文明元年  
九月太后臨朝復改文明為光宅元年

### 庚寅歲奪朝權稱周改號

庚寅七年太后改元天授九月侍御史傅遊藝上表  
請改國號曰周賜皇帝姓氏擢遊藝為給事中於  
是百官宗戚百姓合六萬餘人俱上表如遊藝所請  
太后御則天樓赦天下以唐為周周為太祖父士驥  
始封國也並改用周正建子上尊號曰聖神皇帝受  
尊號於萬象神宮旗幟尚赤改置社稷宗廟以武氏

彈詞註卷七

三四

祖配上帝尋自加越古之號  
又自號天冊金輪大聖皇帝

### 賜君王姓武氏泯滅宗親

太后以豫王旦為皇嗣賜姓武氏先是太后遣將軍  
邱神勣殺故太子賢於巴州潛謀革命稍除宗室瑯  
邪王冲越王貞等密謀匡復與諸王往來納結未定  
而冲先發遽起博州貞狼狽應之亦舉兵於豫州諸  
王皆不敢發冲為門者所殺貞自殺太后遂大殺唐  
宗室使周興按之收韓王元嘉魯王靈夔黃公譔等  
迫使自殺霍王元軌江都王緒東莞公融范陽王靄  
坐與二王通謀皆殺之又殺汝南王暉鄱陽公誣等  
十二人徙紀王慎於巴州道卒八男相繼被誅又殺  
鄭王徽等六人旋殺澤州王金許王素節誅其諸子  
又殺豫章王廩南安王頓等十二人鞭殺故太子賢  
之子安樂王光順又殺南安王頊禹公昭及宗室李

直李敞李然李勳李策李越李黠李立李英李志業  
李知言李元貞唐之宗室於是殆盡其幼弱者亦流  
嶺南 瑯邪郡名故城在青州府諸城東南琅邪山  
下越州名今紹興府博州今東昌府黃縣名屬登州  
府江都縣名屬揚州府范陽今順天  
府澤州名屬南安縣名屬泉州府

白馬主蓮花郎穢污宸極

懷義本姓馮名小寶因高祖女千金公主以進得幸於太后乃度為僧改名懷義以為白馬寺主太后託言懷義有巧思使入宮營造補闕王求禮表請闈之表寢不出太平公主薦張昌宗張易之入侍禁中二年少美姿容皆得幸於太后昌宗為散騎常侍易之為司衛少卿武承嗣三思皆侯其門庭爭執鞭轡轡謂易之為五郎昌宗為六郎時人或譽昌宗之美曰六郎面似蓮花內使楊再思曰乃蓮花似六郎耳二人常傅朱粉衣錦繡賞賜不可勝計後以易之為奉宸令封昌宗鄴國公又多選美少年為奉宸內供奉右蒲闕朱敬則曰陛下內寵易之昌宗足矣而侯祥等明自媒銜云陽道壯偉過於懷義求入供奉醜慢無恥太后勞之曰非卿直言朕不知此漢明帝時摩騰竺法蘭始自西域以白馬駝經來初止鴻臚寺遂取寺為名創蓋白馬寺在河南府城東即僧寺之始太平縣名屬平陽府

來俊臣索元禮羅織威刑

太后自以久專國政內行不正知宗室大臣怨望欲大誅殺以威之有胡人索元禮因告密擢為遊擊將

彈詞註卷七

五

軍令按制獄元禮性殘忍推一人必令引數十百人周興來俊臣之徒效之與屢遷至秋官侍郎俊臣至御史中丞皆養無賴數百人意所欲陷則使數處俱告之辭狀俱同既下獄則以威刑脅之無不誣服又造告密羅織經一卷網羅無辜織成反狀其訊囚酷法有定百脈突地吼死猶愁求破家反是實等號中於虎狼之甚

李敬業駱賓王勤王空檄

時諸武用事唐宗室人人自危眾心憤惋會柳州司馬英公李敬業及弟敬猷唐之奇駱賓王魏司溫等皆失職怨望乃謀起兵揚州以臨復廬陵王為辭復稱嗣聖元年移檄州縣揚州曰偽臨朝武氏者人非溫順地實寒微昔充太宗下陳嘗以更衣入侍洎乎晚節穢亂春宮密隱先帝之私陰圖後庭之嬖踐元后於翬翟陷吾君於聚麀殺子屠兄弑君鳩母入神之所同嫉天地之所不容君之愛子幽之別室賊之宗盟委以重任一杯之土未乾六尺之孤何誰在試觀今日之域中竟是誰家之天下太后見機問誰所為或對曰駱賓王太后曰宰相之過也人有才如此而使之流落不歸乎遂大將軍李孝遠討之敬業取潤州



孝遠擊之因風縱火致葉大敗其將王那利斬殺  
等首來降 柳州屬廣西潤州今鎮江府敬業世勳  
孫嗣爵英國公駱賓王義烏人與王  
勃楊炯盧照隣齊名海內稱四傑

### 狄仁傑張柬之救正殷勤

司空梁公狄仁傑太后信重之謂之國老而不名仁  
傑深沉鄭重彌縫救正太后為之感悟還廬陵於東  
宮太后嘗問仁傑曰朕欲得一佳士用之仁傑曰荆  
州長史張柬之其人雖老宰相才也太后擢為洛州  
司馬仁傑曰臣所薦者宰相非司馬也遂遷柬之為  
秋官侍郎後以同平章事柬之密謀匡復與仁傑前  
後所薦桓彥範敬暉等數十人卒成反正之功 洛  
州今河南府仁傑字懷英太原人謚文惠柬之字孟  
將襄陽人謚文貞彥範字  
士則敬暉字仲暉謚肅愍

### 廬陵王十五年房州聽命

太后廢帝為廬陵王自嗣聖元年甲申遷於房州至  
戊戌始還東都凡一十五年 房州今鄖陽府房縣

### 子姪親鸚鵡夢取至東宮

時武承嗣武三思營求為太子狄仁傑從容言於太  
后曰文皇帝親冒鋒鏑以定天下傳之子孫夫帝以  
二子託陛下今乃欲移之他族無乃非天意乎且姑  
姪與母子孰親陛下立子則千秋萬歲後配食太廟  
立姪則未聞姪為天子而附姑於廟者也太后意稍  
悟他日又謂仁傑曰朕夢大鸚鵡兩翼皆折何也對  
曰武者陛下之姓兩翼二子也陛下起二子則兩翼  
振矣太后由是不立承嗣三思而託言廬陵有疾遣  
使人至復立中宗為皇太子賜姓武氏居東宮  
元人詩曰一語喚回鸚鵡夢九霄奪得鳳皇還

### 乙巳年春正月五龍返正

神龍元年乙巳春正月太后疾甚昌宗易之居中用  
事張柬之與天官侍郎崔元暉中臺右丞敬暉司刑  
少卿桓彥範相王司馬袁恕己謀誅之柬之乃與羽  
林大將軍李多祚右羽林將軍楊元琰定謀又用彥  
範暉皆為羽林將軍委以禁兵時太子於北門起居  
彥範暉謁見密陳其策太子許之柬之等帥羽林軍  
五百人至元武門遣多祚等詣東宮迎太子斬關而  
入斬易之昌宗於廡下進至對曰張易之昌宗謀反  
驚起問曰亂者誰耶多祚等對曰太子曰小子孰謀反

彈詞註卷七

三

東宮太子進曰昔天聖以太后制命太子監國明日太子  
以順天人之望於是以太后制命太子監國明日太子  
后傳位於太子中宗復位太后徙居上陽宮北門  
唐分宰相為南司故稱南牙宦寺為北司故稱北門  
長生殿初太宗建溫泉宮於驪山下至明皇改為華  
清宮內有飛霜九龍長生明珠等殿在西安府臨潼  
縣東南上陽宮隋煬帝建在河  
南府閩鄉縣舊湖城縣西北

### 十六載復稱唐李氏乾坤

當太后改號時鳳閣舍人張嘉福使王慶之數百人  
上表請立武承嗣為皇太子曰神不歆非類民不祀  
非族今誰有天下者而以李氏為嗣乎太后不從羅  
長源曰武氏一亂幾以不唐自庚寅七年太后改國  
號為周至乙巳已六十  
六年始復國號曰唐

### 憂變喜死復生不知忌憚

帝初遷房州日吳憂懼每聞敕使至輒惶  
恐欲自殺及復位倚任中宮寵用武氏

### 越昏愚越懵懂怎做人君

彈詞註卷七

七

時諸武之勢復振東之等數勸帝誅之不聽東之等  
或撫床歎憤或彈指出血曰主上昔為英主今反如  
此知復  
奈何

### 想當日為輕許外家天日

### 恰回朝仍追念海誓山盟

帝在房州與后韋氏同幽閉備嘗艱危情愛甚篤嘗  
與后私誓曰異時幸復見天日當惟御所欲不相禁  
禦至是復位后遂于預朝政帝每臨朝后必  
施帷帳坐於殿上如武后在高宗之世矣

### 妻煽禍女持權五王戮死

上官儀女婉兒入掖庭帝拜為婕妤好武三思通焉  
婉兒又薦三思於韋后亦與后通帝遂拜三思為司  
空帝女安樂公主適三思子崇訓公主賣官鬻獄勢  
傾朝野或自為制敕掩其文令上署之上笑而從之  
自請為皇太女帝亦不譴責敬暉等表以諸武封建  
如舊乞降其王爵以安內外武三思忌之以崔湜鄭  
愔為謀主與韋后日夜譖暉等恃功專權不若封以



博陵王皆罷政事大權盡歸三思三思尋陰令人疏  
皇后穢行勝於天津橋請加廢黜帝大怒命李承嘉  
窮數其事承嘉言敬暉等所為帝乃長流敬暉於瓊  
州彥範於瀘州東之於瀧州恕已於環州元暉於古  
州崔湜說三思遣使攝制殺之三思問誰可者湜薦  
大理正周利用乃使攝侍御使奉使嶺外比至東之  
元暉已死遇彥範於貴州令左右縛之曳於竹槎之  
上肉盡至骨乃杖殺之得彈劄而殺之恕已素服黃  
金利用逼之使飲野葛汁盡數升不死不勝毒憤拮  
地爪甲殆盡仍捶殺之安樂唐所置縣今臨洮府  
狄道縣是平陽今平陽府扶陽縣名故址在思南府  
城西北漢陽縣名屬漢陽府城南陽縣名屬南陽府  
陵今定州天津橋在河南府城西南洛水隋煬  
帝建用大船連以鐵鎖南北夾起四樓唐貞觀中始  
甃石為岸即宋邵雍開杜鵑處瓊州今瓊州府瓊州  
廣州化外唐置瀘州瀧州今肇慶府瓊州今慶陽府  
環縣古州莫詳沿革惟黎平府城西六十里有古州  
八萬洞軍民長官司貴州貞觀中所改今梧州  
府鬱林州安樂公主名裹兒再適武延秀

### 寵仇讐輕社稷愛子遭刑

彈詞註卷七

五

武三思先在武后朝營求為太子幾危社稷至是帝  
寵任三思與之同議政事數微服幸其第及賜敬暉  
等五人王爵罷其政事三思令百官修復太后之政  
不附武氏者斥之為五王所逐者復之大權盡歸三  
思矣帝太子重俊非韋氏所生后惡之三思尤忌之  
駙馬武崇訓又教安樂公主請廢太子太子積不能  
平與李多祚矯制發羽林兵殺三思崇訓於其第太  
子與多祚斬關而入叩閤求上官婕妤帝乃與韋后  
安樂公主婕妤登元武門樓以避之宮闈令楊思勗  
斬多祚前鋒多祚軍奪氣帝俯謂多祚所將千騎曰  
汝輩皆朕宿衛之士何為從多祚反苟能斬反者勿  
患不富貴於是千騎斬多祚等餘眾皆潰太子亦為  
左右所殺帝以其頭獻太廟及祭三思崇訓之柩然  
後梟之朝堂後臨淄王隆基討誅諸韋曰我曹為此  
以狗社稷及內外皆定隆基乃出迎相  
王王曰社稷宗廟不墜於地汝之力也

### 戲燈市御梨園荒淫酒色

帝與韋后微行觀燈於市里縱宮女數千人出遊多  
不歸者又御梨園命三品以上拋毬拔河韋后臨觀大  
林環衰老隨繩踏地不能與帝與韋后紀主臨觀大

在京兆府通化門外唐文宗命王涯取鹽元雅藥於頭繫千餘小繩數人執之爭挽力弱者為輸又一說以麻絙巨竹分朋而挽水謂之拔河

### 黠宮中雙陸籌醜行邪心

帝嘗使韋后與武三思雙陸而自為黠籌上官婕妤立外第出入無節朝士往往從之遊處以求進達

### 桑條韋同女梟餅中藏藥

### 苦炎天神龍殿做了冤魂

初宮中言皇后衣笥裙上有五色雲見上令圖示百官葉志忠奏昔神堯未受命天下歌桃李下文皇未受命天下歌秦王破陳樂則天未受命天下歌娥媚娘皇后未受命天下歌桑條韋謹上桑條韋歌十二篇請編諸樂府皇后祀先蠶則奏之帝悅許州參軍燕欽融上言皇后淫亂于預國政宗楚客圖危社稷帝面詰之欽融抗言不撓楚客矯制撲殺之帝意快由是后已為皇始懼恐事泄帝女安樂公主亦夙后臨朝以已為皇太女乃相與合謀於景龍四年庚戌六月因餅中進毒帝遂崩於神龍殿桑條韋永

彈詞註卷七

五

徽末里歌有桑條韋也女條韋也樂許州屬開封府神龍殿在西南府城內

### 相王子李三郎興兵討亂

相王即豫王旦先武后立為皇嗣中宗復位封豫王為安國相王三郎名隆基相王第三子討亂註見

下相州名今河南彰德府

### 斬元兇誅惡黨貶降奸臣

中宗崩韋后令上官昭容草遺制立溫王重茂為帝皇后攝政改元景隆諸韋勸后以韋氏子弟領南北軍宗楚客說后宜革唐命謀害少帝又忌相王及太平公主密與韋溫安樂公主謀去之適相王臨淄王隆基罷潞州別駕在京師密謀匡復會兵部侍郎崔日用以楚客謀告隆基隆基乃與太平公主及前朝邑尉劉幽求等謀先事誅之微服入苑中逮夜天星散落如雪幽求曰天意如此時不可失於是果毅葛福順直入羽林營斬諸韋典兵者以徇曰韋后醜殺先帝今夕當共誅之立相王斬韋后安樂公主武欣然聽命隆基勒兵入玄武門斬韋后安樂公主武



襁褓兒無免者武氏宗屬亦誅寃殆盡宰相蕭至忠等皆貶官降秩有差溫縣名屬懷慶府臨淄縣名屬青州府朝邑今西安府同州

### 唐睿宗乘機會再登宸極

相王旦中宗之弟初武后立以為帝尋廢之至是劉幽求請早即位遂以少帝制傳位相王時少帝猶在御座太平公主進曰此非兒座遂提下之相王即位是為睿宗立隆基為太子

### 太平主倚親妹復逞兇心

太平公主帝妹也以與太子共誅韋氏有功益為尊重帝嘗與議政宰相進退繫其一言權傾人主其門如市公主初以太子年少頗易之既而憚其英武數為流言云太子非長不可立每覘伺其所為纖悉必聞於帝與益州長史竇懷貞結黨以危太子益州今成都府

### 坐朝堂剛三載青宮禪位

帝在位三年欲傳位太子太子固辭帝曰汝為孝子何必樞前然後即位太子乃嗣位是為元宗明皇帝

彈詞註卷七

手

尊帝為太上皇

### 鋤太平竄崔湜女禍纔清

太平公主依上皇之勢擅權用事宰相七人五出其門文武之臣大半附之與僕射竇懷貞侍中岑羲中書令崔湜蕭至忠等謀廢立荊州長史崔日用入奏事言於帝曰太平謀逆有日萬一奸宄得志悔之何及帝曰恐驚動太皇日用曰請先定北軍後收逆黨則不驚上皇矣帝乃與岐王範薛王業郭元振及內給事高力士等定計以兵三百餘人入虔化門執至忠義殺之懷貞自縊死太平公主亡入南山三日乃出賜死於家崔湜盧藏用俱坐私侍公主長流嶺南尋以湜與逆謀追賜死岐薛二州名岐今鳳翔府

### 唐明皇勤國政開元大治

帝即位改元開元開元之初帝勤於國政勵精圖治幾致太平

### 相姚崇任宋璟四海平寧

姚崇本名元之因避開元尊號復名崇帝以崇為紫微

前稱房杜後稱姚宋他人莫得比焉姚崇始名元崇以與突厥叱刺同名武后時以字行更名元之後又更名崇破石人謚文獻宋璟字廣平南和人

### 長枕被花萼樓鶻鴿敦誼

宋王成器申王成義帝兄也岐王範薛王業帝弟也幽王守禮帝從兄也帝素友愛初即位為長枕大被與兄弟同寢聽朝罷多從諸王遊又於宮西南置樓西曰花萼相輝南曰勤政務本帝或登樓聞王奏樂則召升樓同宴或幸其所居賞賚優渥時有鶻鴿千數集麟德殿廷樹翔棲浹日魏光乘作頌以為天子友悌之祥 花萼勤政二樓在西安府治東南

### 選名臣為刺史民瘼留神

帝留心民瘼制選臺閣名臣出為諸州刺史後帝自選諸司官長有聲望者十一人為刺史命宰相百官餞於洛濱供張甚盛自書十韻詩賜之

### 天寶後養奸邪荒於政事

開元二十九年後改元天寶帝在位歲久漸恣奢欲怠於政事罷丞相張九齡等而更用李林甫牛仙客陳希烈等又楊國忠安祿山等一班奸邪蔽主亂政不可勝言

### 寵楊妃成女禍敗壞彝倫

帝武惠妃薨後宮無當意者或言惠妃子壽王妃美帝見而悅之乃令妃自以其意乞為女官號太真更為壽王娶即將韋昭訓女為妃潛內太真宮中寵遇如惠妃遂冊為貴妃自是譏德亂政不十年而天下矣亂

### 洗兒會費金錢昭陽粉黛

營州謀胡安祿山姓康氏初名阿孽山母再適安氏冒其姓後部落破散遂逃依張守珪養以為子後為平盧討擊使性狡黠善巧事人帝左右至平盧者祿山皆厚賂之爭譽其賢累遷平盧范陽河東節度使每入朝寵待甚厚謁見無時命楊錫弟皆與祿山叙兄弟因得出入禁中遂請為貴妃兒祿山生日帝及貴妃賜予甚厚達三日召入禁中貴妃以錦繡為大襪祿山使之使宮人以線與昇之帝聞後宮宜禁

彈詞註卷一

三



故左右以貴妃洗滌兒對帝出入觀之賜賞妃洗兒  
有醜聲帝亦不疑妃姊三人並承恩澤封爲韓號秦  
國夫人歲給錢千貫爲脂粉之資杜甫詩曰號國夫  
人承寵恩平明騎馬入宮門却嫌脂粉汚顏色淡掃  
蛾眉朝至尊又詩曰昭陽殿裏第一人蓋以飛燕比  
貴妃也長恨歌曰迴眸一笑百媚生六宮粉黛亡顏  
色又曰昭陽殿裏恩愛絕營州今昌黎縣平盧今  
永平府范陽今順天府河東今平陽府韓號秦三州  
名韓今洛州襄垣縣號今河南府陝州秦今鞏昌府  
杜甫字子美其先襄陽人徙河南後徙杜陵肅宗拜  
爲右拾遺後嚴武表爲叅謀檢校工部員外郎世號  
史詩

### 荔枝香明駝進踐走紅塵

貴妃喜食生荔枝歲命嶺南駝驛遞之嶺南產一種  
核最小者味尤美謂之香荔枝帝幸驪山貴妃生日  
命小部張樂長生殿因奏新曲未有名會南方進荔  
枝遂名曲曰荔枝香駝因腹不帖地屈足漏明則走  
千里故曰明駝木蘭辭曰願借明駝千里足唐制驛  
置有明駝使非邊塞軍機不得擅發揚妃私發明駝  
彈詞註卷二

使賜安祿山荔枝杜牧詩曰一騎紅塵妃子笑無人  
知是荔枝來杜牧字牧之詩情豪邁人號小杜以

別杜

### 李林甫擅朝權傾危國勢

初帝欲相李林甫問於張九齡九齡曰宰相繫國安  
危若用林甫恐異日爲宗社之憂帝不從晚年自恃  
承平以爲天下無復可憂深居禁中以聲色自娛悉  
委政於林甫林甫日短九齡於帝及九齡旣罷林甫  
欲蔽主擅權明謂諸諫官曰明主在上將順不暇烏  
用多言諸君不見立仗馬乎食三品料一鳴輒去悔  
之何及自是諫爭路絕林甫城府深密好以甘言啗  
人而陰中傷之不露辭色甫謂其口有蜜腹有劍欲  
盡除不附己者知吉溫羅希夷爲吏深刺引爲殿中  
侍御史隨林甫所欲深淺鍛鍊成獄無能脫者時人  
謂之羅網吉網帝賜林甫爵晉公或時不視朝百司  
悉集林甫門第臺省爲空屢起大獄誅逐貴臣皇太  
子以下畏之側足凡在相位一十  
九年養成天下之亂帝不之寤也

### 安祿山范陽反曳落者可兵

唐興以來邊陲皆胡人相之路秦言文臣爲將怯  
不若用寒族胡人胡人則習戰寒族則無黨帝悅其  
言諸道節度使盡用胡人精兵咸戍北邊故用安祿  
山由平盧累遷專制三道祿山知中國武備盡弛陰  
蓄異志殆將十年以帝待之厚欲俟帝晏駕然後作  
亂會國忠屢言祿山且反數以事激之祿山由是決  
意遠反適有奏事官自京師還祿山詐爲敕書示諸  
將口有密旨令祿山將兵入朝討楊國忠衆愕然於  
是發所部兵反於范陽初祿山養同羅奚契丹降者  
八千餘人謂之曳落河曳落河者胡言壯士也皆驍  
勇善戰一可當百 明皇分天下爲十五道三道平  
盧范陽河東也同羅北邊  
種名奚契丹東胡種名

### 顏平原連主盟二十四郡

平原太守顏真卿先知祿山且反因淋雨完城浚濠  
料丁壯實倉廩祿山以其書生易之及反牒真卿將  
兵防河津真卿遣平原司兵李平問道奏之上始聞  
河北郡縣皆從賊歎曰二十四郡曾無一人義士耶  
及平至大喜曰朕不識顏真卿作何狀乃能如是真  
卿召募勇士旬日至萬餘人論以舉兵討賊士皆感

彈詞註卷七

三

憤由是諸郡多應之共推真卿爲盟主軍事皆稟焉  
平原郡名今濟南府德州河津縣名屬平陽府河  
北一道領二十四郡真卿  
字清臣封魯國公謚文忠

### 哥舒翰哭出關陷了神京

帝以哥舒翰爲兵馬副元帥軍於潼關或說楊國忠  
曰朝廷重兵盡在翰手翰若援旗西指於公豈不危  
哉國忠懼會有告祿山將崔乾佑在陝兵弱無備帝  
趣翰進兵翰奏曰祿山久習用兵是必羸師誘我若  
往正墮其計且諸軍徵兵尚多未集請且待之郭子  
儀李光弼亦請引兵北取范陽覆其巢穴潼關大軍  
惟應固守以蔽之國忠疑翰謀已謂翰逗留帝遣中  
使趣之項背相望翰不得已撫膺痛哭引兵出遇賊  
於靈寶西原乾祐據險乘高下木石擊殺甚衆官兵  
大敗翰獨與百餘騎走入關乾祐進攻潼關克之蕃  
將火拔歸仁等執翰以降翰麾下赴帝告急國忠首  
倡幸蜀帝然之獨與貴妃姊妹皇子妃主皇孫及親  
近宦官宮人出延秋門奔蜀賊將孫孝哲遂進陷西  
京 陝州名靈寶西原今河南府陝州靈寶縣高平  
之地曰原潼關在西安府華陰



戰抖撒馬嵬坡玉環殞碎

帝初出奔命龍武大將軍陳元禮整六軍從之明日  
至馬嵬驛將士饑疲皆憤怒元禮以禍由楊國忠欲  
誅之會吐蕃使者二十餘人遮國忠馬訴以無食軍  
士呼曰國忠與胡虜謀反追殺之並殺韓國秦國夫  
人帝聞諠譁出門勞慰令收隊軍士不應帝使高力  
士問之元禮曰國忠謀反貴妃不宜供奉願陛下割  
恩正法帝曰貴妃常居深宮安知國忠反謀力士曰  
貴妃誠無罪然將士已殺國忠而貴妃在陛下左右  
豈敢自安願陛下審思之將士安則陛下安矣帝乃  
命力士引貴妃於佛堂以羅巾縊殺之與尸置驛庭  
召元禮等入視之乃釋甲謝罪軍士皆呼萬歲始整  
部伍為行計國忠妻子及虢國夫人走陳倉縣令薛  
景僊誅之 馬嵬驛在咸陽西今西安與平縣正西  
二十五里有馬嵬坡初術士李遐周先有詩曰若逢  
山下鬼環子繫羅衣玉環楊妃小字也六軍萬二千  
五百人為軍禁旅之名謂左右羽林左右龍武左右  
神武也吐蕃  
西羌種名

險滴溜連雲棧曲寫淋鈴

彈詞註卷七

帝幸蜀謂張野狐曰此去劍門鳥啼花落水綠山青  
無非助朕之悲悼耳入峽斜谷屬霖雨彌旬於棧道  
中間鈴聲與雨相應帝既悼貴妃因採其聲為雨淋  
鈴曲以寄恨 連雲棧在褒城縣斜谷在郿縣西南  
三十里谷之南口曰褒北口曰斜連雲棧在褒斜中  
即張良說高祖繞絕處有棧閣二千九百八十九間  
唐人詩梁川秦嶺  
西棧道與雲齊

劈鈿合與金釵鴻都道士

初貴妃入宮帝賜以金釵鈿合及妃死帝自蜀歸為  
上皇惟妃是念有鴻都道士自蜀來言有李少君之  
術帝大喜道士乃竭其術以索之至於蓬島高山上  
署曰玉妃太真院道士扣扉道所從來太真出問皇  
帝安否次問天寶十四載已還事言訖憫然取金釵  
鈿合各劈其半授之曰為謝上皇謹獻是物尋舊好  
也道士歸奏之  
帝益嗟悼不已

楊柳眉芙蓉面長憾歌聞

元和中白居易作長恨歌紀貴妃始末畧曰馬嵬山

都門信馬歸來此如何不淡垂云云白居易字  
樂天其先太原人貶江州司馬自曰風月主人居東  
都號醉吟先生居香山稱香山居士贈右僕射謚曰  
文

### 空記憶忠良言曲江先見

開元中安祿山討奚契丹敗績張守珪奏請斬之帝  
惜其才敕令免官以白衣將領張九齡固爭曰失律  
喪師不可不誅且祿山狼子野心觀其貌有反相不  
殺必爲後患帝曰卿勿以王夸甫識石勒枉害忠良  
竟赦之至是帝在蜀思九齡先見爲之流涕遣中使  
至曲江祭之厚恤其家張九齡字子壽追封始興  
伯謚文獻父爲廣東韶州別駕因家曲江廣興  
記曰非韶州曲江今爲南雄之始興宅址尚在

### 辜負了梨園子凝碧號聲

帝精曉音律初置左右教坊選樂工宮女數百人自  
教法曲於梨園謂之皇帝梨園子弟及長安陷祿山  
搜捕俱送洛陽宴其羣臣於凝碧池梨園子弟感統  
泣下賊皆露刃睨之樂工雷海清不勝悲憤擲樂器

彈詞註卷七

三五

於地西向痛哭祿山怒支解之凝碧池在西安府城東南四十里唐禁苑中

### 唐肅宗自靈武從權受命

明皇初立子忠王璵爲皇太子改名亨至是明皇發  
馬嵬父老遮道請留帝命太子宣慰之父老曰至尊  
既不肯留某等願帥子弟從殿下東取長安太子不  
可子建寧王倓等執鞞諫曰四海分崩不安人情何  
以興復殿下不如收兵西北克復二京以迎至尊子  
廣平王俶亦勸太子留父老擁太子馬不得行太子  
乃使俶馳白帝帝曰天也命分後軍二千人從太子  
又宣旨欲傳位太子太子不受遂留馳至平涼朔方  
留後杜鴻漸等迎之遂至靈武河西司馬裴冕與鴻  
漸等請遵馬嵬之命不許腥上帝乃許之遂即名於  
靈武是爲肅宗尊帝爲上皇天子建寧郡名今雲  
南府廣平平涼皆府名朔方今陝西寧夏衛靈武故  
城在寧夏衛城南河西今甘肅鎮是鴻漸字子巽

### 借番兵回紇國掃蕩夸氛

帝雖用朔方之衆欲借兵於外夸以張軍勢以燄煌  
王乘乘與葉國乘乘回紇諸兵回紇乘乘可汗遣



子長安陳將與香積寺北澧水賊賊將十萬陳於其  
復長安陳將與香積寺北澧水賊賊將十萬陳於其  
北李嗣業身先士卒所向摧靡賊伏精騎於陳東欲  
襲官軍僕固懷恩引回紇就擊盡殺之嗣業又與回  
紇出賊陳後與大軍夾擊賊大潰其將安守忠等夜  
遁大軍遂入西京守忠等走保陝安祿山子慶緒悉  
發洛陽兵就守忠等步騎背十五萬中發十餘矢賊  
於新店回紇自南山襲其背於黃埃中發十餘矢賊  
驚走河北官軍遂入東京回紇單于別種鳳翔府  
黨走河北官軍遂入東京回紇單于別種鳳翔府  
名澧水源自西安府城南五十里終南山下陝州名  
南山在河南府城西西南三十里漢服虔謂南山伊闕  
是也俗名龍門山  
東京今河南府

### 任李郭奮于戈重興社稷

初安祿山反明皇以郭子儀為朔方節度使李光弼  
時為子儀兵馬使後子儀薦光弼以為河東節度使  
及帝即位靈武子儀光弼將兵五萬自河北至靈武  
人始有興復之望帝以子儀為靈武長史光弼為北  
都留守身經百戰克復兩京剿除安史皆二公力也  
後子儀爵汾陽王光弼臨淮王汾陽縣名屬汾州

彈詞詩卷一

三六

府子儀華州鄭州人謚武穆

### 賴巡遠保江淮死捍朝廷

真源令張巡起兵雍邱討賊大敗之於寧陵與賊將  
楊朝宗戰復大破之救以巡為河南節度使副使會  
賊將尹子奇寇睢陽睢陽太守許遠告急巡謂巡曰  
赴之賊悉眾逼城巡督勵將士晝夜苦戰遠謂巡曰  
遠懦不善用兵公智勇兼濟遠請為公守請公為遠  
戰自是遠但調軍糧修戰具戰鬪甚畫一出於巡巡  
屢與子奇戰敗之巡將南霽雲射奇中其左目幾  
獲之賊乃遁旋復徵兵數萬攻睢陽城中食盡饋救  
不至士卒消耗至千六百人皆病不堪鬪遂為所圍  
巡乃修守具使霽雲告急於臨淮賀蘭進明進明擁  
眾不救霽雲鬻落一指以示進明賀蘭既不通土  
將之意請留一指以示信賊圍益急霽雲既不通土  
走巡遠謀曰睢陽江淮之保障若棄之去賊必乘勝  
長驅是無江淮也且我眾饑羸走必不達不如堅守  
時城中將士人廩米日一合襍以茶紙樹皮為食茶  
紙既盡遂食馬馬盡羅雀掘鼠雀鼠又盡巡出愛妾  
殺以食士賊登城將士病不能戰巡西向再拜曰臣

巡曰吾志吞逆賊但力不能耳子奇以刀拔其口視之  
所餘纔三四并巡將南霽雲雷萬春等三十六人  
皆被殺巡死顏色不亂致遠於洛陽遠亦死於偃師  
真源今省入歸德府鹿邑縣雍邱今開封府杞縣  
寧陵縣屬開封府睢陽今歸德府臨淮今省入鳳陽  
府泗州偃師縣名屬河南府張巡  
南陽人許遠新城人霽雲頓邱人

### 彭原驛忘軍旅嬌妻博戲

帝妃張良娣性巧慧能得帝意時帝在靈武李泌勸  
幸彭原俟西北兵至進幸扶風以應之帝從之至彭  
原解舍隘狹帝與良娣博打子聲聞於外泌言諸軍  
奏報停壅帝乃潛刻乾樹雞爲子不欲有聲范氏曰  
明皇播遷宗社焚毀社稷卽墟而肅宗於軍旅之中  
與婦人博戲豈非以位爲樂乎彭原今慶陽府寧  
州扶風今鳳翔府良娣女官名樹雞卽木耳  
樹朽則生乾則稍堅刻以爲棋擲之不響

### 興慶宮惑讒佞老父傷心

帝立張良娣爲皇后以宦者李輔國兼太僕卿后與  
輔國相表裏干預朝政自兩京收復迎上皇還西京

彈詞卷七

三

上皇愛興慶宮移居之多御長慶樓父老過者往往  
瞻拜呼萬歲又常召將軍郭英又等上樓賜宴輔國  
言於帝曰上皇居興慶宮日與外人交陳元禮高力  
士謀不利於陛下今六軍將士盡靈武勲臣皆反仄  
不安帝泣曰聖皇慈仁豈容有此對曰上皇無此意  
其如羣小何帝泣不應會帝不豫輔國與張后謀矯  
稱帝語迎上皇遊西內輔國將射生五百騎露刃進  
道奏曰皇帝以興慶宮湫隘迎上皇遷居西內上皇  
驚幾墜馬遂如西內侍衛兵纔冠老數十人元禮力  
士皆不得留左右輔國與六軍大將素服請罪帝曰  
卿等防微杜漸以安社稷何懼也上皇由是日以不  
憚因不茹葷辟穀浸以成疾興慶宮元宗所建在  
西安府治東南五里唐南內也至德中  
擇善騎射者千人爲射生手號英武軍

### 張皇后阻朝參離其父子

帝脅於張后不敢朝參上皇但遣人起居山人李唐  
見帝帝方抱幼女謂唐曰朕念之卿勿怪也唐曰太  
上皇思見陛下計亦如陛下之念公主  
也帝泣然泣下然畏張后不敢詣西內

### 李輔國害中官惡報目尋



初選后與輔國表異則輔國更射生使程元振黨於  
輔國知其謀告之輔國勒兵遷后於  
別殿明日帝崩輔國遂殺后及係

### 唐代宗經離亂老於軍旅

初肅宗至靈武以子廣平王傲為天下兵馬元帥廣  
平王日與郭子儀等身經戰陣收復兩京後遂立為  
太子更名豫至是  
即位是為代宗

### 仗賢能憑武勇倖力成功

帝賴李泌郭子儀等同心協力故太原捷河  
東平兩京復奄有河北迎復上皇以成其功

### 下馬拜葉護鹵華夸手額

初肅宗借兵回紇欲速得京師與回紇約曰克城之  
日土地土庶歸唐金帛子女歸回紇及克兩京回紇  
葉護欲如約帝時為廣平王兼天下兵馬元帥乃拜  
於葉護馬前曰今始得西京若遽俘掠則東京之人  
皆為賊固守不可復取矣願至東京軍民胡虜見廣  
躍下馬答拜曰當為殿下徑往東京軍民胡虜見廣

彈詞註卷七

三

平王拜者皆泣曰廣平王真華夸之主肅宗  
聞之曰朕不及也 回紇俗號太子曰葉護

### 割三鎮授賊徒僕固懷恩

帝以僕固懷恩有平河朔功以為河北副元帥賊將  
李懷仙殺史思明子朝義取其首獻懷恩以降薛嵩  
田承嗣亦降嵩等迎懷恩拜於馬首乞行間自效懷  
恩亦恐賊平寵衰遂奏以薛嵩為相衛邢洛貝磁六  
州節度使承嗣為魏博德滄瀛五州都防禦使懷仙  
仍故地為盧龍節度使分帥河北與三鎮自為黨援  
朝廷亦厭若兵革苟冀無事因而授之  
今為大名府相州今漳德府衛州今衛輝府邢州今  
順德府洛州今廣平府貝州屬廣平府磁州屬彰德  
府魏今大名府博今東昌府德州屬濟南府滄州瀛  
州今河間府盧  
龍今永平府

### 痛愛弟死無辜懷讐父母

初肅宗在靈武時李輔國險狡陰附於張良娣帝弟  
建寧王俊數於肅宗前試計二人罪惡二人遂讐於  
肅宗曰俊恨不得為元帥將謀害廣平王肅宗怒賜

委曲順之亦何能為帝恨而止

### 寵凶閹能假手進爵功臣

張后欲誅李輔國謀泄輔國遣使者逼后下殿幽而殺之帝懷后殺建寧之讐而德輔國殺張后之功益加尊寵進輔國爵博陸王博陸今平陽府平陸縣

### 回轉意惡專權芟其首臂

李輔國恃功益橫明謂帝曰大家但居禁中外事聽老奴處分帝內不能平又以輔國有殺張后之功不欲顯誅之夜遣盜入其室竊輔國首及一臂而去仍敕有司捕盜遣中使存問其家

### 二心無主宰不算賢君

### 過委靡欠剛明宦官用事

帝明不足以燭理武不足以決疑威權倒置委靡莫振寵用宦官蒙蔽日深

### 魚朝恩程元振先後憑陵

彈詞註卷七

三

帝以宦官魚朝恩為天下觀軍容宣慰處置使總禁廷政事有不預者輒怒曰天下事有不由我者耶先是宦者程元振帝以為驃騎大將軍元振專權自恣人畏之甚於李輔國諸將有大功者皆忌嫉害之吐蕃入寇元振不奏致帝狼狽出奔及詔徵諸道兵李光弼等皆忌元振莫有至者

### 吐蕃來幸陝州四方俱叛

吐蕃入寇盡取河西隴右之地邊將告急程元振皆不以聞虜至涇州刺史高郢叛降為鄉導過邠州至奉天武功京師震駭詔以雍王适為關內元帥郭子儀為副元帥出鎮咸陽以禦之子儀開廢日久部曲離散至是召募得二十騎而行至咸陽吐蕃二十餘萬眾渡渭循山而東子儀奏請益兵元振過之吐蕃渡便橋帝倉猝不知所為出幸陝州吐蕃遂入長安子儀引三十騎自御宿川而東收兵商州諸將聞子儀至皆聽命子儀使將軍長孫全緒將二百騎出藍田晝則擊鼓張旗幟夜則燃火以疑吐蕃百姓給之曰郭令公自商州將大軍至矣吐蕃遁去初帝至



三輔叛也召兵無幾入關此四方叛也  
平涼府邠州屬西安府奉天今乾州武功咸陽皆縣  
名商州藍田俱屬西安府便橋長安北面西門曰便  
門漢武帝於此作橋跨渭水以趨茂陵其橋與便門  
相對因曰便橋長三百八十步又名渭橋御宿川在  
西安府城西南四十二里一  
名華嚴川陝州屬河南府

### 賴汾陽身餌虜挽轉乾坤

僕固懷恩初為郭子儀前鋒以功為河北副元帥至  
是反誘回紇吐蕃等數十萬入寇又以朔方兵繼之  
京城大震徵兵諸道多不應帝召子儀使屯懷恩吐  
蕃等合兵圍之會懷恩中途暴疾死二寇聞懷恩死  
爭長不相睦子儀使牙將李光瓚說回紇欲與共擊  
吐蕃回紇不信曰郭公在此可得見乎子儀曰今眾  
寡不敵昔與回紇契約甚厚不若挺身說之諸將請  
選鐵騎五百衛從子儀曰適足為害耳郭晞諫曰大  
人國之元帥奈何以身為虜餽子儀曰今戰則父子  
俱死而國家危存以至誠與之言從則四海之福遂  
與數騎出使人傳呼曰令公來回紇大驚其大帥藥  
葛羅執弓注矢立於陳前子儀免胄釋甲投鎗而進

彈詞註卷七

單

諸長相顧曰是也皆下馬羅拜子儀亦下馬前執藥  
葛羅手讓之曰汝回紇有大功於唐唐之報汝亦不  
薄奈何負約深入吾地棄前功而助叛臣乎藥葛羅  
曰懷恩言天可汗已宴駕令公亦捐館我是以來今  
皆不然懷恩又為天所殺我曹豈肯與令公戰乎子  
儀說之曰吐蕃所掠之財不可勝載此天賜汝也全  
師而繼好破敵以取富為汝之計孰便於此藥葛羅  
曰吾為懷恩所誤負公誠深今請盡力擊吐蕃以謝  
過子儀因取酒與其長共飲藥葛羅因與子儀共執  
酒為誓諸長喜曰軍中巫言此行安穩不與唐戰見  
一大人而還今果然矣遂定約而還吐  
蕃聞之夜遁 涇陽縣名屬西安府

### 置高座講仁王僧尼受寵

內出仁王經二寶輿以人為菩薩鬼神之狀道以音  
藥函簿百官迎從至資聖西明寺置百高座講之魚  
朝恩作章敬寺帝幸之度僧千人帝常於禁中飯僧  
百餘人有寇至則令僧講仁王經以禳之胡僧不空  
官至卿監爵為國公出入禁闈勢移權貴良田美利  
多歸僧寺 鹵簿車駕行幸胡僧雙蓮曰鹵簿大楯  
也以甲為之所以捍敵者甲楯部伍之次皆著

任軍中立節度藩鎮繁興

山南東節度使來瑱死軍中推梁崇義為帥帝不能討因詔以崇義為節度留後平盧將李懷玉逐其節度使留侯希逸軍中奏懷玉為帥帝遂詔以懷玉為節度使留後賜名正已幽州將朱希彩殺其節度使李懷德帝遂詔以希彩潛使人於眾中大言曰節度使非朱副使不可眾從之泚遂權知留後帝即詔以泚為節度使淮西將李希烈逐其節度使李忠臣帝詔以希烈為留後尋命為淮西節度使時諸鎮節度使成德李寶臣魏博田承嗣相衛薛萬盧龍李懷仙收安史餘黨各擁勁卒數萬自署將吏不供貢賦與山南東道梁崇義及李正已皆結為婚姻互相表裏帝專事姑息遂殺節度者命知留後權知留後者即為節度藩鎮遂強悍不能復制 山東今襄陽府淮西今河南府成德今真定府魏今大名府相衛今彰德府盧龍今永平府盧龍縣俱鎮名成德領常冀深趙四州魏博領貝魏博相磁洛衛七州盧龍領幽涿營瀛莫平薊媽檀九州

### 唐德宗振紀綱厲精思治

彈詞註卷七

四二

代宗崩太子适即位是為德宗帝初甚清明振飭紀綱興利剔弊矯代宗之失懲宦官之蠹天下以為太平之治可望

### 削煩苛罷貢獻美政宣行

帝罷梨園罷客省罷推酒一切煩苛盡削除之又詔罷四方貢獻時澤州上慶雲圖帝曰朕以時和年豐為嘉祥以進賢黜忠為祥瑞如慶雲芝草珍禽奇獸何益於人自今有此毋得上獻初外國累獻馴象帝曰象費麥養而違物性命縱之又以內莊宅官租充軍儲出宮女數百人種種美政中外皆悅淄青軍士至投兵相顧曰明主出矣吾屬猶反乎澤州屬山西淄今濟南府青今青州府

### 不旋踵用奸臣掎肘聚斂

時盧杞為相因兩河用兵月費錢百三十餘萬緡常賦不供遂增商稅為什一詔各道稅錢每千增二百又用太常博士韋都賓陳京判度支趙贊等議掎刺聚斂民力始竭

括商錢稅間架苦害生靈



又括稅實陳京請排富商錢出粟米者皆借四分之一  
封其櫃窖百姓爲之罷市趙贊奏行間架稅每屋兩  
架爲間上屋稅錢二千中稅千下稅五百於是愁怨  
之聲盈於遠近

### 朱泚反懷光叛鑾輿兩播

平盧節度使李希烈反寇襄陽帝詔發涇原等兵救  
之涇原節度使姚令言將兵過京師軍中冀得厚賜  
既至無所賜發至漚水詔京兆尹王翺鵠師惟攜食  
菜餼衆怒蹴而覆之因揚言曰瓊林大盈二庫金帛  
盈溢不如相與取之乃擐甲張旗鼓譟還取京城帝  
遽命賜帛人二匹人益怒射中使殺之遂入諸王公  
禁兵禦賊竟無一人至者乃與太子諸妃及諸王公  
主自苑北門出賊登舍元殿令言與亂兵謀曰今衆  
無主不能久朱太尉閑居私第請相與奉之乃遣騎  
迎朱泚入宮自稱權知六軍帝遂幸奉天泚僭號稱  
大泰皇帝自將兵犯奉天朔方節度使李懷光遂帥  
衆赴長安李晟亦引兵出飛狐道入援數破泚兵時  
泚圍奉天經月城中資糧俱盡泚百道攻城惟金吾  
大將軍渾瑊隨方禦之而士卒凍餒又乏甲冑瑊每

彈詞註卷七

四

諭之激以忠義皆鼓譟力戰賊乃引退懷光亦敗泚  
於醴泉泚遁歸長安衆以爲懷光三日不至則城不  
守矣懷光素與人言盧杞趙贊等奸佞且曰吾見上  
當請誅之杞聞而懼言於帝曰懷光勲業社稷是賴  
若使乘勝取長安則一舉可以滅賊帝遂詔懷光屯  
便橋與李晟刻期共取長安懷光自以數千里起難  
咫尺不得見天子意怏怏曰吾爲奸臣所排事可知  
矣頓兵不進遂有異志帝欲親總禁兵幸咸陽趣諸  
將討泚或謂懷光曰此漢祖遊雲夢之策也懷光大  
懼反謀益甚遂潛與朱泚通謀時李建徽楊惠元與  
懷光聯營懷光襲之奪其軍遂反城請帝幸梁州懷  
光遣將趣南山邀車駕不及而還涇原今平涼府  
漚水在西安府城東一十五里源出藍田縣合金谷  
水北流入霸水舍元殿在西安府東北唐大明宮內  
殿之北奉天今西安府乾州飛狐今大同府  
廣昌縣醴泉縣名屬西安府梁州今漢中府

### 賴興元罪已詔收轉人心

帝改元興元初考功郎中陸贄言於帝曰昔成湯以  
罪已勃興楚昭以善言復國陛下誠能不革改過以  
謝天下使書詔之辭無所遺忌則反側自革改過以

給皆去王... 宣布赦書士卒皆感泣臣見人情如此知賊不足平也

### 天生下李令公為唐社稷

李懷光未泚皆反帝加神策行營節度使李晟為諸道副元帥以討賊初懷光以晟軍浸盛欲引軍襲之三令其眾眾不應懷光內憂麾下為變外懼晟襲之遂奔河中晟大陳兵諭以收復京城牒渾瑊等列期集城下移軍於光泰門外晟使兵馬使李演王泌將騎兵史萬頃將步兵直抵苑牆晟先開牆二百餘步賊柵斷之晟怒欲斬萬頃等萬頃拔柵而言帥演繼之賊眾大潰諸軍分道並入泚乃與姚令言帥餘眾西走遂復京城渾瑊等亦克咸陽後泚將韓旻斬泚以降晟遣掌書記于公異作露布上行在曰臣已肅清宮禁祗謁寢圍鐘簾不移廟貌如故帝覽之泣下曰天生李晟以為社稷非為朕也李晟為中書令故稱令公河中今平陽府蒲州行在天子行曰乘輿止曰行在李晟字良器洮州臨潭人封西平郡王渾瑊蘭州人本鐵勒九姓之渾瑊部也封咸寧郡王公異吳人

彈詞註卷七

四

### 更賴著陸敬輿奏議詳明

帝初在東宮聞諫察御史陸贄名及即位召為翰林學士數問以得失凡鑿輿兩播贄俱侍左右帝有大事贄盡心條畫有微失即竭誠規諫疏議奏對剴切詳明帝頗採用其言卒能收人心而安社稷焉今有陸宣公奏疏傳世陸贄字敬輿嘉興人謚曰宣

### 忽書生能料敵平涼盟劫

吐蕃尚結贊求和於副元帥節度使馬燧燧為之請於朝帝許盟於平涼以渾瑊為會盟使瑊發長安李晟深戒之平章張延賞與晟有隙言於帝曰晟不我盟好之成戒瑊以嚴備我有疑彼之形彼亦疑我矣盟何由成帝召瑊切責以推誠待虜勿為猜疑瑊奏吐蕃決以辛未盟延賞集百官以瑊表示之曰李太尉謂和好必不成今盟日定矣晟泣曰吾生長西郵備諳虜情所以論奏但取朝廷為吐蕃所侮耳帝始命駱元光屯潘原韓遊瓌屯洛口為瑊援元光伏兵於營西遊瓌亦遣五百騎伏其側辛未將盟吐蕃伏精騎數萬於壇西瑊入幕易禮服吐蕃伐鼓三聲伏



還是曰帝謂諸相曰今日和戎息兵社稷之福燧曰然平章柳渾言帝變色曰柳渾書生不知邊計大臣亦曰誠如渾言帝變色曰柳渾書生不知邊計大臣亦為此言耶是夕遊環表言平涼盟劫帝大驚謂渾曰卿書生乃能料敵如此其審耶平涼府名屬陝西潘原唐縣名故址在北平郡王謚莊武柳渾字夷曠襄人燧字洵美封北平郡王謚莊武柳渾字夷曠襄人

### 信讒說疑馬李猜忌功臣

初尚結贊曰唐之良將李晟馬燧渾瑊而已去三人唐可圖也乃入鳳翔境禁擄掠以兵直抵城下曰李令公召我何不出犄我經宿而還又因馬燧以求和欲執渾瑊以賣燧使并獲罪會盟劫瑊走免獲燧之姪弁謂曰胡以馬為命吾在河曲春草未生馬不能舉足當是時馬侍中渡河掩之吾全軍沒矣今蒙侍等歸帝聞之遂惡燧帝忌晟功名會吐蕃又有離間之言張延賞騰諂於朝晟聞之晝夜泣目為之腫入朝稱疾帝加晟太尉罷鎮時帝以李泌同平章事泌初視事與晟燧俱入見泌曰願陛下勿害功臣李晟馬燧有大功於國聞有讒之者陛下萬一害之則宿衛之士方鎮之臣無不憤惋反仄矣陛下誠不以功大而忌之二臣不以位高而自疑則天下永保無事帝然之晟燧皆起泣謝

彈詞註卷七

四

河曲河

### 纔安定置瓊林收藏寶貨

初帝幸奉天朱泚始解圍帝於行宮廡下貯諸道貢獻之物榜曰瓊林大盈

### 稅茶鹽榷酒酤百孔俱興

帝初稅茶九州縣產茶及茶山外要路皆估其直什稅一鹽每斗詔增價百錢復榷天下酒以崔造判工戶部造與侍郎元誘善使判諸道鹽鐵榷酒百孔俱興

### 德宗老賴鄴侯黃臺免摘

鄴國大長公主肅宗女也女為太子妃公主素不謹或告主淫亂帝幽之禁中太子懼請與妃離婚帝召李泌告之且曰舒王近已長立孝友溫仁泌曰陛下准有一子奈何欲廢之而立姪且陛下之子猶疑之何有於姪舒王雖孝自今陛下宜努力勿復望其孝

諫使至此必復殺而子臣老矣餘年不足惜若寬殺  
臣子使臣以姪為嗣臣未知得歆其祀乎因嗚咽流  
涕帝亦泣曰事已如此奈何必曰陛下不記建寧之  
事乎帝曰建寧叔實寬肅宗性急故耳必曰臣昔為  
此故辭歸不幸今日復為陛下相又觀茲事且其時  
先帝常懷危懼臣臨辭日因誦黃臺瓜辭肅宗乃悔  
而泣陛下既知肅宗急而建寧寬願深戒其失從容  
三日究其端緒必釋然知太子之無他矣帝曰為卿  
遷延至明日思之必袖笏叩頭而泣曰陛下還宮當  
自審思勿露此意於左右露之則太子危矣帝曰具  
曉卿意問一日帝獨召泌流涕曰非卿勸朕今日悔  
無及矣太子仁孝實無他也泌流涕曰非卿勸朕今日悔  
建寧王倓廣平王俶有大功帝妃張良娣復忌而譖  
之李泌言於肅宗曰昔天有四子長曰太子弘天  
后方圖稱制醜殺之立次子賢賢內憂懼作黃臺瓜  
辭冀感悟天后天后不聽賢亦廢死其辭曰種瓜黃  
臺下瓜熟子離離一摘使瓜好再摘使瓜稀三摘猶  
為可四摘抱蔓歸今陛下已一摘矣慎無再摘肅宗  
愕然曰安有是哉朕當書紳舒州名今安慶府李泌  
字長源京兆人封鄴侯

彈詞註卷七

四十五

### 唐順宗失音久風病纏身

帝太子誦於貞元二十年九月風疾失音次年正月  
朔諸王入賀太子疾不能來德宗悲歎得疾崩太子  
即位是為順宗

### 八司馬附叔文人情嗜嗜

初帝在東宮翰林待詔王叔文善甚帝大愛幸因言  
某可為相某可為將幸具日用之密結翰林學士韋  
執誼及朝士有名而求速進者陸淳呂溫李錦儉韓  
曄韓泰陳諫柳宗元劉禹錫等定為死友而凌準程  
異等又因其黨以進及帝即位寢疾叔文專權用事  
韓泰等依附推獎采聽謀議至汲如狂榮辱進退惟  
其所欲其門晝夜車馬如市元和初韓曄凌準執誼人皆  
錫程異陳諫柳宗元韓泰韓曄凌準執誼人皆  
貶為遠州司馬謂之八司馬 柳宗元字子厚解州  
從永州司馬徙柳州刺史與韓愈齊名世號柳柳州  
劉禹錫字夢得

賴皇嗣早監國得免紛紜



黨欲專大權惡聞之官官俱文珍等咸疾叔文乃放  
上召學士鄭綱入草制時牛昭容輩以廣陵王淳英  
睿惡之綱不復請書紙為立嫡以長字呈帝帝遂立  
淳為太子更名純百官覩太子儀表大喜相賀遂命  
太子監國於是邪黨旋皆貶斥人心始安 鄭綱字  
明文

### 唐憲宗登寶位延英議政

順帝傳位於太子自稱太上皇太子純即位是為憲  
宗帝嘗與宰相論治道於延英殿日昃暑甚汗透御  
服宰相求退帝留之曰朕入禁中所處者獨宮人宦  
官耳故樂與卿等俱共談為理之要殊不知倦也

### 出宮人蠲賦稅禁止逢迎

帝以久旱欲降德音李絳白居易言欲令以實惠及  
人無如減其租稅宮人數廣宜簡出之諸道橫斂以  
充進奉者宜禁絕之帝悉從之制  
下而兩 李絳字深之贊皇人

### 用非衣制口天削平淮蔡

彈詞註卷七

吳

彰義節度使吳元濟反帝發兵討之元濟求救於李  
師道等師道表請赦元濟不許時帝以兵事委平章  
武元衡師道遣刺客於暗中刺殺元衡又擊御史中  
丞裴度傷其首或請帝罷度官以安賊心帝怒曰若  
罷度官是奸謀得成朝廷無復紀綱吾用度一人足  
破二賊遂以度為相度言淮西腹心之疾兩河跋扈  
者將視此為高下不可中止帝然之悉以兵事委度  
討賊愈急時李晟子愬為檢校左散騎常侍帝以愬  
為唐鄧節度使討元濟度言於帝曰元濟勢實窘蹙  
但諸將心不一不併力迫之故未降若臣自詣行營  
諸將恐臣奪其功必爭進討賊矣帝乃以度兼彰義  
節度使充淮西宣慰招討使元濟將李佑有勇畧愬  
誘而擒之待以容禮佑謂愬曰蔡之精兵皆在潤曲  
元濟已成擒矣愬遂夜引兵出諸將請所之愬曰入  
守州城者皆羸卒可以乘虛直抵其城比賊將聞之  
蔡州取吳元濟諸將皆失色監軍哭曰果落李佑奸  
計時大風雪人馬凍死者相望人人自以為必死然  
畏愬莫敢違行七十里至州城四鼓愬至無一人知  
者使擊柝如故遂開門納眾雞鳴雪止入居元濟外  
宅或告元濟曰官軍至矣元濟起聽於庭聞愬軍號

濟送京師斬之後敬宗時欲以度為相李逢吉等惡之以民謠云緋衣小兒坦其腹天上有口被驅逐緋衣裴宇也腹肚也音近度天上口吳宇謂吳元濟被度擒也張權輿等因言度名應圖識敬宗察其誣以度為司空同平章事淮西三小州今信陽州皆屬彰義鎮蔡州今汝寧府申州今信陽州光州蔡州光州屬汝寧府唐縣名鄧州名俱屬南陽府

### 幾聲兒人贊歎果斷英能

自德宗以姑息成藩鎮之禍帝獨以法度裁制毅然興師故其討淮西也數年不克有議赦者有勸罷兵者而帝獨用裴度之言逆盜五發而不回高霞寓大敗於鐵城而不挫卒能勦除惡逆向非帝之力於討賊未有不為人情所動搖者故史稱帝剛明果斷足稱中興誠不誣也鐵城惟德安府城北有鐵城山或疑即此

### 擒劉闢執李錡蕩除猾逆

西川節度使韋臯卒副使劉闢自為留後表請節鉞帝以初嗣立授之闢志益驕求兼領三川帝不許闢

彈詞註卷二

四

遂反命神策行營節度使高崇文討之崇文進破鹿頭關連戰皆捷遂直指成都擒闢送京師斬之鎮海節度使李錡不自安求入朝帝許之錡實無行意屢遷行期下詔徵之錡遂反帝發諸道兵討之錡遣兵馬使張子良將兵襲宣州子良知錡必敗與牙將裴行立謀討之即夜趨還城行立應之於內遂執錡送京師斬之三州謂東川西川山南西道鹿頭關在成都府德陽縣北三十里鎮海軍今鎮江府宣州今寧國府

### 平師道服承宗約束咸導

李師道為平盧節度使王承宗為成德節度使逆命已久初裴度在淮西石庶子韓愈為行軍司馬布衣相相書往說之可不煩兵而服矣愈白度為書遺之承宗懼請以二子為質及獻德棣二州輪租稅請官吏帝許之帝詔諸道兵討師道田弘正將兵渡河逼鄆州師道聞官軍浸逼發民治城塹役及婦人民懼且怨都知兵馬使劉悟將兵屯陽穀以拒官軍務為寬惠軍中號曰劉父師道疑悟收善懷心遣使齎帖授



子城門已洞開。海捕師道斬之。首送弘正營。潘青  
悉平。自廣德以來。垂六十年。藩鎮跋扈。河南北三十  
餘州。自除官吏。不供貢賦。至是盡遵朝廷約束矣。  
德州名隸今武定州。俱屬濟南府。鄆州今東平府。陽  
穀縣名屬兗州府。八大城謂之羅城。小城謂之子城。  
第二重城以衛  
居宅謂之牙城。

### 說未了侈心生奸諛得幸

諸道甫平。帝寢驕侈。皇甫鏗等遂以聚斂得  
幸。程异以進羨餘得幸。柳泌以方士得幸。

### 寵奴僕居宰輔不信忠臣

帝寵宦官吐突承瓘。以為神策中尉。皇甫鏗程异等  
厚賂承瓘。帝並以為宰輔。相制下朝野。駭愕至於市道。  
負販者亦嗤之。裴度恥與小人同列。上疏曰。天下治  
亂繫朝廷。朝廷輕重。在輔相。陛下建昇平之業。十已  
八九。何忍選自隳壞。使四方解體乎。帝以度為朋黨。  
後鏗黨陰擠之。罷度為河東節度使。鏗又譖平章崔  
羣亦罷之。

彈詞註卷七

哭

### 麟德殿龍首池工程再起

帝命六軍修麟德殿。龍武統軍張奉國大將軍李文  
悅以外寇初平。營繕太多。白宰相裴度言之。帝怒。貶  
奉國等。於是浚龍首池。起承暉殿。土木浸興。麟德  
殿在唐大明宮內。龍首宮在西安府治東北五里。唐  
苑東內

### 紫金丹長生藥服煉修真

帝好神仙。皇甫鏗薦山人柳泌。能合長生藥。泌言天  
台多靈草。帝遂以泌權知台州。刺史諫官爭論。奏帝  
曰。煩一州之力。而能為人主。致長生。臣子亦何愛焉。  
後帝服其紫金丹。愈加燥熱。舍人裴潯曰。藥以愈疾。  
非朝夕常餌之物。況金石酷烈有毒。又益以火氣。殆  
非五臟所能勝也。帝怒。貶之。天台縣其縣有天台山。  
屬浙江

台州府

### 迎佛骨貶諫官崇邪徼福

先是功德使上言。鳳翔法門寺塔有佛指骨。相傳三

施惟恐不及刑部侍郎韓愈上表諫曰佛者夷狄之一法耳自黃帝以至禹湯文武皆享壽考當時未有佛也漢明帝始有佛法其後亂亡相繼運祿不長惟梁武帝在位四十八年前後三捨身為寺家奴竟為侯景所逼餓死臺城事佛求福乃更得禍佛不足重亦可知矣况其身死已久枯朽之骨豈能入宮禁乞付有司投之水火永絕根本佛如有靈能作禍福凡有災咎宜加臣身帝怒欲加極刑裴元慶能作禍福乃貶潮州刺史潮州府名屬廣東韓愈字退之修武人謚曰文  
崔羣字敦詩

### 為稱尊受賀禮處陋甘心

自淮西用兵以來度支鹽鐵使及四方爭進奉謂之助軍平賊進賀謂之助賞及帝加尊號又進賀禮

### 中和殿大年初一時亡化

元和十五年庚子春正月帝暴崩於中和殿

### 細尋思無疾病事有來因

彈詞註卷一

### 陳弘志逞奸謀行兇下手

帝服金丹多譟怒左右宦官往往獲罪有死者人人自危至是暴崩時人皆言內常侍陳弘志弑逆其黨類諱之不敢討賊但云藥發外人莫能明也

### 梁守謙立太子掩罪容身

初左軍中尉吐突承璀謀立澧王憚為太子帝不許太子憂之至是中尉梁守謙與宦官王守澄等共立太子殺承璀及憚澧州名屬岳州府

### 唐穆宗守父孝何曾滿月

### 命羣臣皆釋服廢禮忘親

帝名恒憲宗太子是為穆宗居喪未一月即與羣臣皆釋服不能討弑父之賊又遽有釋服之命隨御樓肆赦事畢命陳倡優襟戲而觀之

### 帶聲色遊畋微重陽大宴



將李狂等疏諫曰元朔未改山陵尚新公家之事不待終制也重陽節名九月九日也九為陽數其日與月相應故曰重陽

### 縱藩臣殺節度放肆橫行

盧龍軍亂囚節度使張弘靖推朱克融為留後詔以克融為平盧節度使成德兵馬使王庭湊殺節度使田弘正詔以庭湊為成德節度使魏博將史憲誠殺其節度使田布詔以憲誠為節度使

### 依舊是服金丹亡身殞命

帝餌金石之藥處士張臯疏曰先帝信方士妄言餌藥致疾此陛下所詳知也豈得復循其覆轍乎帝善其言而求之不巳卒得疾崩

### 賴慈親郭太后却位扶君

初帝寢疾命太子監國宦官欲請郭太后臨朝太后郭曖之女也太后曰昔武后稱制幾危社稷我家世子忠義非武氏比也太子雖少但得賢師守之勿預朝政何患國家不安取制書手

彈詞註卷七

五

子即崩太

### 唐敬宗甫登極嬉遊濫賞

帝名湛穆宗太子是為敬宗帝居喪甫易月數遊宴擊毬奏樂賞賜宦官樂人不可悉紀賜宦官服色有今日賜綠而明日賜緋者

### 昵八關十六子紊亂朝廷

李逢吉為相恣肆用事所親厚者張又新李仲言李虞劉栖楚李續張權輿陳普範姜洽八人從而附麗之者又八人時人目之為八關十六子有所求請先賂關子後達逢吉無不得所欲也

### 徒枉了李文饒丹宸進諫

帝遊幸無常昵比羣小視朝月不再三大臣罕得進見浙西觀察使李德裕獻丹宸六箴一曰宵衣以諷視朝稀晚二曰正服以諷服御乖異三曰罷獻以諷

德裕字文鏡贊皇人封魏國公吉甫之子父子爲相一書云文鏡其謚也吉甫字弘憲

### 打球回遭宦者滅燭行凶

帝善擊毬好手搏又以錢萬緡召募力士更好深夜自捕狐狸性復褊急力士或不遜輒配流籍沒宦官小過動遭捶撻皆怨且懼夜獵還宮與宦官劉克明擊毬軍將蘇佐明等二十八人飲酒酒酣入室更衣殿上燭滅克明等弑帝於室內

### 絳王悟立片時仍逢禍害

劉克明矯稱帝旨立絳王悟又欲易內侍之執權者於是樞密使王守澄等迎江王涵入宮發左右神策飛龍兵進討賊黨盡斬之絳王爲亂兵所害絳州名屬平陽府

### 兩日中三換主立起文宗

王守澄等立江王涵即位更名昝是爲文宗幾兩日之間弑敬宗殺絳王立文宗宦者三易其主帝穆宗

彈詞註卷七

五三

第三子

### 唐文宗守祖訓貞觀政要

帝自爲諸王深知兩朝之弊及即位厲精求治去奢從儉出宮人放鷹犬省冗食罷別貯宣索組繡彫鏤之物悉罷之敬宗之世每月視朝不過一二帝復舊制每竟日視朝對宰相羣臣延訪政事中外翕然以爲復有太平之風按以太宗所選金鏡錄授學士令狐綯讀之至亂未嘗不任不肖治未嘗不任忠賢止之曰凡求致太平當以此言爲首又書貞觀政要於屏風每正色拱手讀之宣宗事也此作文宗疑誤

令狐綯字子直

### 患風疾寵醫士變亂規繩

帝得風疾不能言王守澄薦鄭注帝飲其藥頗驗遂有寵以爲翰林侍讀學士注爲帝畫策先除宦官次清河北帝寵任日隆連逐三相威震天下平生絲思髮怨無不報者

甘露禍反遭殃公御血踐



平章李訓與鄭注謀以中外搆擊以禁宦官出注為  
鳳翔節度使注與鄭注謀以中外搆擊以禁宦官出注為  
護王守澄葬內臣盡集送之因令親兵殺之訓與其  
黨謀事成則注專有其功乃以郭行餘鎮邠寧王璠  
鎮河東使多募壯士為部曲以羅立言知京兆府事  
韓約為金吾衛大將軍及與御史中丞李孝本謀並  
注去之宰相惟舒元興與其事他人莫知也是日帝  
御紫宸殿韓約奏左金吾聽事後石榴夜有甘露帝  
命宰相視之訓還奏非真帝顧宦官仇士良帥諸宦  
者往視之宦者既去訓召行餘璠受敕璠股栗不敢  
前獨行餘拜殿下時二人部曲數百皆執兵立丹鳳  
門外訓召之士良等至韓約變色士良怪之俄風  
吹幕起執兵者甚眾士良等驚起走詣帝告變羅立  
言李孝本各帥卒登殿縱擊宦官死傷者十餘人  
良等命左右神策兵露刃出討賊殺金吾吏卒千餘  
人因誣王涯賈餗舒元興王璠羅立言謀反皆收繫  
斬之擒殺李本孝訓走為人所殺鄭注將親兵至扶  
風知訓已敗復還鳳翔監軍伏甲斬之右軍獲韓約  
亦斬之鳳翔府名屬陝西邠州屬西安

### 哭啼啼比赧獻受制家臣

彈詞註卷七

至

帝嘗坐思政殿問學士周輝曰朕可方何主對曰陛  
下堯舜之主也帝曰朕豈敢比堯舜所以問卿者何  
如周赧漢獻耳赧獻受制於強諸侯今朕受制於家  
奴以此言之朕不如也因泣下露襟揮伏地流涕自  
是不復視朝

### 仇士良翦宗枝扶持太弟

帝立敬宗少子陳王成美為太子及帝寢疾仇士良  
魚弘志以太子之功不在已乃矯詔廢成美為陳  
王立穎王漙為太弟帝崩士良說太弟賜陳王成美  
及安王容死遂即位 陳州名屬開封府潁州屬鳳  
陽府安唐州

名今德安州

### 唐武帝任賢相藩鎮幾清

太弟漙穆宗第五子更名炎是為武宗帝以李德裕  
為相時盧龍軍亂殺節度使史元忠推牙將陳行泰  
主留務德裕曰河朔事務臣所熟諳比來朝廷遣使  
太速故軍情遂固若置之數月不問必自生變既而  
軍使張仲武起立張絳復求節制朝廷亦不問德裕

受元籙廢僧尼難稱純德

帝好神仙受法籙於道士趙歸真惡僧尼耗蠹天下詔毀天下佛寺僧尼並勒歸俗

餌金丹成大病啞而崩

帝餌方士金丹性加燥急遂寢疾而道士以為換骨後旬日不能言而崩換骨方士之言殺人者有五辟穀去血換骨出神脫形

皇太叔號宣宗躬行節儉

彈詞註卷七

七

小太宗虛獎譽大體無能

初憲宗生光王怡及疾篤諸宦官密於禁中定策下詔以皇子幼冲立怡為皇太叔更名忱武宗崩太叔即位是為宣宗帝恭謹節儉重惜官賞明察沉斷用法無私從諫如流故太宗之治人思詠之謂之小太宗惜乎昧於人君之大體也光州名屬汝寧府

搖着手怕中官提心吊膽

帝名翰林學士韋渙屏左右語之曰近日外間謂內侍權勢如何對曰陛下威斷非前朝之比帝閉目搖手曰全未全未尚畏之在策將安出渙曰若與外庭議之恐有太和之變不若就其中擇有才識者與之謀帝曰此乃末策朕已試之矣自衣緋以下皆感恩纒衣紫則相與為一也

為猜嫌弑嫡母狠壞人倫

太皇太后郭氏帝嫡母也初憲宗納李筠妾鄭氏生帝憲宗之崩帝疑郭太后預其謀又鄭氏本郭太后意欲快一日發劾帝即位待郭太后禮殊薄郭太后意



信諛言出廟主肆行不道

史部尚書李景讓上言穆宗乃陛下兄敬宗文宗武宗乃兄之子陛下拜兄尚可拜姪可乎宜遷四主出太廟還代宗以下入廟詔百官議

拒裴休立太子自道閑人

裴休為相帝命休極言時事休請早建太子帝曰若建太子則朕遂為閑人休不敢復言裴休字公美濟源人

唐懿宗重佛法唱經開講

帝名温初為鄆王宣宗長子即位是為懿宗帝信奉佛法於禁中設講席自唱經手錄梵夾

歲饑荒人困苦反亂紛紛

時關東年年水旱州縣不以寔聞百姓流殍無所控訴乃軍逐其帥民逐其主相聚為盜所在蜂起

彈詞註卷一

五

相韋路肆貪求牛頭阿傍

以韋保衡路巖同平章事帝荒於庶政委任巖等二人奢靡貪縱勢動天下時目其黨為牛頭阿傍言如鬼陰惡可惡也

愛同昌一公主嫁葬枯神

同昌公主郭淑妃之女帝特愛之嫁韋保衡傾宮中珍玩以為資送賜第聽戶皆飾以珠寶并欄藥白亦以金銀為之踰年公主卒帝痛悼不已殺醫官二十餘人及葵服玩每物皆百二十輿錦繡珠玉輝煥三十餘里

十四年壞唐室並無寸善

帝在位十四年驕奢無度淫樂不悛並無寸善可紀李氏之亡於茲決矣

彗星見司天秦舍譽星明

彗出於婁長三尺司天盤奏按星經是名舍譽瑞星也

唐僖宗擊球場狀元人物

懿宗崩宦官劉行淡韓文約立懿宗少子普王儼即位是為僖宗帝善擊毬嘗謂優人石野猪曰朕若應擊毬進士舉須為狀元野猪曰若遇堯舜作禮部侍郎恐陛下不免駁放帝笑而已

### 田令孜稱阿父殺戮忠臣

帝之為普王也宦者小馬坊使田令孜有寵及即位使知樞密遂擢為中尉帝專事遊戲政事一委令孜呼為阿父左拾遺侯昌業以盜賊滿關東而帝專務遊戲賞賜無度田令孜專權無上社稷將危上疏極諫帝大怒召昌業至內寺省賜死後孟昭圖亦諫令孜矯詔沈之

### 私鹽賊黃巢反血流川澤

濮州人王仙芝作亂陷濮州寇句人黃巢善騎射喜任俠粗涉書傳屢舉進士不第與仙芝共販私鹽至是聚眾應之剽掠州縣及曾元裕擊斬仙芝巢遂稱衝天大將軍陷沂濮入浙東剽閩廣自桂州沿湘而下陷潭州鄂州饒信自采石渡江趨淮入賴宋徐寇之境直逼東都所至屠戮血流成川積屍若山

彈詞註卷七

五

濮州屬東昌府曹州屬兗州府寃句故城在曹州潭州今長沙府鄂州今武昌府饒州廣信江西府名

### 陷東都忙出走棄了咸京

黃巢攻陷東都帝命選兩神策弩手得二千八百人令張承範將之往守潼關時京師神策軍士皆長安富家子未嘗經戰陳聞當出征多顧病坊貧人代行巢攻潼關承範兵潰巢直趣長安既入城田令孜帥神策兵五百奉帝自金光門出趣駱谷鳳翔節度使鄭畋謁於道次請留鳳翔帝曰朕不欲密邇巨寇且幸與元徵兵以圖收復駱谷關名在西安府盤屋縣西南一百二十里與元今漢中府

### 留盜賊富貴資一般將帥

初黃巢趣襄陽山南東道節度使劉巨容屯兵荆門以拒之俘斬什七八勸巨容窮追巨容曰國家喜負人有急則不愛官賞事寧則棄之或更得罪不若留賊以為富貴之資眾乃止荆門州名屬安陸府

### 賴雁門李僕射破賊功成

初李克用為沙陀副兵馬使大同軍亂殺防禦使段



李可舉帥之克用已走難至河東令具頓道節  
之克用帥韃韃諸部萬人赴之勝用累日不發還  
度使鄭從謹開城設備而縹給之克用累日不發還  
陷忻代州河中留後王重榮以巢兵尚強謀於楊復  
光復光曰雁門李僕射驍勇有強兵所以不來者以  
與河東結隙耳若以朝旨喻鄭公而召之必來來則  
賊不足平矣乃召克用為雁門節度使沙陀萬  
河中渭南一日三捷賊衆大奔克用遂入京師巢遁  
走圍陳州不克北趨汴州朱全忠告急於克用克用  
追及大破之巢將尚讓帥其衆降巢東奔宛州克用  
追至宛旬晝夜行二百餘里以糧盡還汴尚讓追敗  
巢於瑕丘巢衆殆盡巢甥林言斬巢首以獻雁門  
今大同府大同府名屬山西韃韃北翟國名本鞞鞞  
之餘種居奚契丹東北後為契丹所攻部族分散其  
散居陰山者自號韃韃忻代二州皆屬太原府渭南  
縣名屬西安府

### 如寶雞走散關興元再幸

先是安邑解縣兩池皆隸鹽鐵中和以來河中節度  
使王重榮專之令孜奏復舊制自兼兩池榷鹽使重

彈詞註卷一

五

榮論訴不已令孜乃徙重榮為秦寧節度使重榮自  
以有復京城功不肯之充州累表數令孜十罪令孜  
結郿寧節度朱玫鳳翔節度使李昌符以抗之尋遣  
攻等攻河中重榮求救於李克用克用引兵赴之攻  
與昌符大敗克用進逼京城令孜奉帝幸鳳翔克用  
還軍河中與重榮表請帝還宮因罪狀令孜請誅之  
令孜劫帝如寶雞攻與昌符以令孜弄權再逼播遷  
亦取為之用且禪克用等兵強更與之合進逼車駕  
令孜奉帝發寶雞惟神策軍使王建從之走入大散  
關時李昌符焚閣道丈餘將摧折矣王建掖帝白煙  
焰中躍過夜宿板下攻等使山南西道節度使石君  
涉柵險要燒郵驛帝由他道至興元安邑縣解州  
俱屬平陽府鹽池有三一在平陽府解州一在慶陽  
府城北五百里一在寧夏衛城北四百里泰寧軍今  
山東兗州府寶雞縣名屬鳳翔府大散關在寶雞  
縣南大散嶺下通褒斜大路山南西道今漢中府

### 王行瑜斬反者并及襄王

朱玫以田令孜在帝左右終不可去乃立肅宗元孫  
襄王煊權監軍國事更遣王行瑜將兵追乘輿時帝  
在興元平章杜讓能曰楊復光與王重榮同破黃巢  
在興元平章杜讓能曰楊復光與王重榮同破黃巢

且謂計攻以自贖... 與重榮等共討... 靜難節度使賞之... 功歸亦死曷若與... 寧節鉞乎眾從之... 反即行瑜曰吾不... 河中重榮詐為迎... 送行在 靜難今靜... 州屬平涼府

### 唐昭宗立名號門生國老

僖宗寢疾宦官楊復恭立懿宗子壽王傑為皇太弟... 僖宗崩傑即位是為昭宗帝在藩邸素疾宦官及即... 位復恭恃援立功所為不法帝意不平故事多謀於... 宰相後帝出復恭為鳳翔監軍復恭慍對李順節討... 疾求致仕帝從之尋謀反帝遣天威都頭李順節討... 之復恭走興元與其假子楊守亮舉兵拒命鳳翔節... 度使李茂貞討之取興元復恭等奔閬州茂貞拔閬... 州獲復恭獻於闕下斬之茂貞獻復恭與守亮書訴... 致仕之由云承天門乃隋家舊業大姪但積粟訓兵... 勿貢獻吾於荆榛中立壽王纔得尊位廢定策國老... 有如此負心門生天子 天威軍今  
真定府威州閬州今四川保寧府

彈詞註卷七

五

### 少陽院苦幽囚爾汝難聽

時宰相崔口與帝謀誅宦官中尉劉季述等謀曰主... 上輕佻變詐難奉事專聽任南司官吾輩終罹其禍... 不若奉立太子乃名百官陳兵殿廷作口等狀請太... 子監國將士大呼入思政殿帝驚起季述乃扶帝與... 何后嬪御纔十餘人適少陽院季述以銀匱畫地數... 帝曰某時某事汝不從我其罪一也如此數十不止... 乃手鎖其門鎔鐵鋼之遣兵圍之穴墻以通飲食矯... 詔立太子裕後崔口密遣人說神策指揮使孫昭徽... 討誅季述等  
帝始復位

### 信崔口名汴兵鳳翔遷劫

崔口請盡誅宦官但以宮人掌內諸司事宦官韓全... 誨等求美人知書者數人內之宮中陰令詞察其事... 盡得口密謀時朱全忠李茂貞各有挾天子令諸侯... 之意口知謀泄急遺全忠書令全忠以汴兵迎車駕... 全忠遂舉兵發大梁至河中表請車駕幸東都全誨... 等陳兵殿前言於帝曰全忠欲劫天子幸洛陽求傳... 禪臣等請奉陛下幸鳳翔收兵拒之帝不許拔劍登... 之巧機全誨等逼帝下樓即於御院縱火帝不得之



貞出迎遂入鳳翔入許州大梁即今開封府

### 李茂貞奪天子輪與朱溫

崔口詣河中泣訴於朱全忠請以時迎奉全忠乃將兵發河中茂貞自將與全忠戰於號縣大敗而還全忠遂進圍鳳翔攻城者詭城上人云劫天子賊乘城者詭城下云奪天子賊時城中人食盡茂貞方密謀誅宦官以自贖乃獨見帝請誅韓全誨等與全忠和奉車駕還京帝喜即收全誨斬之并誅宦官七十餘人帝遂幸全忠營朱全忠原名溫號縣故城在鳳翔府寶雞縣東六十里

### 紇干山凍雀兒離鄉背井

朱全忠屯河中遣牙將奉表稱郃岐兵逼畿甸請遷都洛陽時帝御延喜樓及下裴樞已促百官束行驅從士民號哭滿路罵曰賊臣崔口召朱溫來傾覆社稷使我曹至此帝遂發長安至華州民夾道呼萬歲帝泣曰勿呼萬歲朕不復為汝主矣館於興德宮謂侍臣曰鄙語云紇干山頭凍殺雀何不飛去生處樂朕今漂泊不知竟落何所泣下霑襟遂至洛陽紇干山即紇真山在大同府城東北其山春夏積雪岐

彈詞註卷七

庚

即鳳翔府郃州華州俱屬西安府

### 醉醺醺椒殿裏疾走無門

帝自離長安日憂不測與何后終日沈飲或相對悲泣全忠方西討以帝有英氣恐變生欲立幼君易謀禪代乃遣判官李振至洛陽與蔣元暉等圖之元暉選牙官史太等百人夜叩宮門帝在椒殿方醉遽起單衣繞殿走太追弑之

### 昭宣帝軟臙臙孤兒寡婦

蔣元暉矯詔立昭宗第九子輝王祚即位更名祝是為昭宣帝朱全忠使元暉邀昭宗子德王裕等九人置酒九曲池悉縊殺之投屍池中昭宗諸子於是皆死所存者惟何太后與帝孤兒寡婦而唐祚移矣

### 母先亡兒後死慘霧愁雲

初柳璨與蔣元暉等相結為全忠謀禪代事何太后使宮人達意求傳禪之後子母生全王殷趙殷衡諸元暉等與太后夜宴焚香為誓與復唐祚全忠信之遂御史大夫韓愈

遺御史大夫薛貽矩勞之貽矩以臣禮見北面拜舞於庭還言於帝曰元帥有受禪之意矣帝遂下詔禪位於梁王奉帝為濟陰今兗州府曹州

薛貽矩蔣元暉真為狗輩

薛貽矩蔣元暉俱註見前狗輩註見後

愧殿下孫供奉喪盡人心

昭宗有猴善拜跪每朝謁猴亦拜敬盡禮號孫供奉朱溫篡位令朝賀猴望見殿上為溫號呼不拜溫殺之顧氏曰薛貽矩狗苟輩急成賊溫受禪之意堂堂臣宰食祿多年回面污行效忠盜賊視殿下孫供奉能不愧死入地哉

三百載大唐朝二十一帝

唐高祖至哀帝凡二十一主共二百八十九年

亂離多寧靜少幾日昇平

彈詞註卷七

堯

女后淫虐於前安史傾敗於後羣閹濁亂於中藩鎮尊大於外又以盜賊剪殄其宗禍釁乘除鳴張蟠結東撐西傾以至於亡

春風回首人何在

五代紛紛起戰爭

追想千年往事六朝踪跡茫然隋唐相繼統中原世態

幾回云變楊柳淒迷汴水丹青慘淡凌烟樂遊原上

草連天飛起寒鴉一片西江月

東風掃盡隋唐憾

百二山河換主人



成都楊 慎用修編著

漢陽張三異禹木增定

男仲璜別麓註 孫坦驄青御校

第八段 說五代史 定風波

兩汗淋漓赴選場秀才落得甚乾忙白髮漁樵諸事懶  
蕭散閒談今古論興亡 虞夏商周秦楚漢三分南北  
至隋唐看到史官褒貶處得趣不搖紈扇自然涼

詩曰

山自青青水自流南征北戰幾時休青春壯士邊關  
老紅粉佳人白了頭

彈詞註卷八 上

十遇征夫九皺眉忘餐廢寢有誰知中宵破夢兜鈴  
舉頓飯驚心戰馬嘶剪髮搓繩穿斷甲拆衣抽線補  
殘旗風流宰相龍樓宴翠袖雙扶下玉梯

詩向會家閒講究話逢知己細評論評論往事知賢

否講究前賢說廢興東岸水流西岸響南山風送北

山雲雲容冉冉舒還卷水勢滔滔古又今流水浮雲

何日了人生在世幾回春消磨白髮詩和酒斷送青

春利與名蓋世功名野馬燄掀天事業闍婆城半張

故紙留蹤跡千古漁樵作話文濶論高談依故典長

歌短曲弔英魂就中多少悲歡處珍重相知勿倦聽

說過隋唐三百載一場春夢別翻公案五代史多少興

亡要知去跡來踪閱盡殘篇斷簡按五代者梁唐晉漢周是也起朱溫終周恭帝凡十三主纔六主善終略談於後

後梁太祖朱溫本碭山小民為黃巢賊黨力屈降唐後因有功封梁王賜名全忠弒了唐昭宗自稱皇帝開平乾化

在位六年被妾生子郢王朱友珪刺死其第三子均王友貞討誅友珪貞明龍德又十年唐莊宗滅之共十六年而

亡

唐主李存勗其先朱邪國昌乃沙陀國人有功於唐賜姓李氏其父李克用封晉王去世之後李存勗滅了梁國自稱唐主謂之莊宗同光在位四年被樂官郭從謙所

彈詞註卷八

二

弒其義兄明宗即位天成長興傳之愍帝應順又被義兒潞王

所弒潞王自立三年清泰被石駙馬所篡前後四主共十

四年而亡

晉主石敬瑭乃唐明宗駙馬割地臣虜借兵滅唐為晉高祖天福在位七年傳與兄子石重貴開運被北蕃擄入胡

地共十一年而亡

漢高祖劉知遠石晉之臣乘契丹滅晉稱帝天福傳子承

佑是為隱帝乾祐輕誅功臣被其臣郭威所弒父子共四

年而亡

後周太祖郭威連弒劉承佑劉贊篡漢廣順在位三年無

嗣其妻兄之子柴榮襲位是為世宗顯德七年而崩子宗



訓即位七月禪位與趙匡口按後周三主二姓共十年而亡此謂之五代十三君一起一滅五十三年中間又有僭號之國十一處稱王稱帝賢愚不同

福建閩王王審知唐僖宗時受封據福建統五州傳其

後王延翰王延鈞龍王延昶永和王延曦永隆王延政天德

共六主五十年而降於吳越

吳越國者起錢鏐唐昭宗時受封據兩浙統十三州是

為武肅王寶正傳其後文穆王元瓘忠獻王弘佐弘侖弘

俶凡五主八十四年歸降於宋太祖

淮南吳王楊行密唐昭宗時受封據廬州二十八郡號

忠武王傳之威王渥宣王隆演武讓王溥順義乾祐

彈詞註卷八 上

三

凡四主共三十六年禪位與南唐

江南唐王李昇本淮南楊氏之臣徐溫之義子係唐朝

子孫受吳王封為齊王受楊溥禪位建國金陵稱帝統

三十五州號烈祖傳之子李景是為後主保大宋太祖

乾德二年卒其子李煜嗣位歸宋凡三主共三十九年

而亡

湖南楚王馬殷唐昭宗時為刺史據潭州二十三郡朱

溫時受封是為武穆王傳其子希聲希範希廣希萼希

崇凡六主共五十六年南唐後主滅之

荆南秦王高季興梁朱溫之臣又降唐降吳受吳封為

秦王據荆南三州傳其後高從誨保融保勗繼冲凡五

主共五十七年降於宋

西川蜀王王建唐僖宗時為利州刺史昭宗時受封後  
稱帝據成都四十八州是為高祖武成 永平傳其子

宗行光天 成德 乾康共二十五年唐莊宗滅之

後蜀王孟知祥唐明宗時受封據成都三十六州傳其

子景明德 廣政共四十年降於宋太祖

北幽燕王劉守光梁太祖時受封後稱帝唐莊宗滅之

廣南漢王劉隱梁太祖時為清海節度使弟劉巖稱帝

據廣南四十七州乾亨 大有 乾龍傳之子玠光天 應乾晟乾和乾鉞太

凡四主共五十五年宋太祖滅之

河東晉主劉崇漢高祖知遠之弟因郭威篡漢遂稱帝

於晉陽謂之北漢世祖傳其子承鈞是為孝和皇帝天會

無嗣先是有營卒薛釗娶世祖女為妻生子繼恩世祖

即位其女居內薛釗自刎世祖以繼恩與孝和為嗣其

母改嫁何氏又生子名繼元亦與孝和為嗣廣相傳四

主共二十九年宋太祖併之

凡此十一處稱王稱帝者共四十一人

自唐末梁初各各據土僭號至宋太宗太平興國四年

通共八十二年北漢劉繼元歸附之後僭偽盡絕那時

天下生靈受了多少塗炭見了多少干戈今從五代梁

朱溫創始之初說起

按五代始於梁朱溫創首



梁唐晉漢周爲五代始朱溫篡奪唐社稱帝改國爲梁

### 本碭山無藉子一箇窮民

朱溫宋州碭山午溝里人少孤貧與兄存昱備食蕭縣劉崇家崇數笞辱之後稱帝兄全昱曰朱三汝本碭山一民也從黃巢爲盜天子用汝爲四鎮節度使富貴極矣奈何一旦滅唐家三日社稷俱得無減吾族乎宋州今歸德府碭山縣蕭縣俱屬徐州括地志云宋州碭山縣在州東百五十里碭山在縣東按今歸德府秦碭郡也

### 唐之末金色蟆太行造反

唐天僖中有童謡曰金色蝦蟆爭弩眼翻却曹州天下反後王仙芝果陷曹州黃巢應之巢後攻陷長安自稱大齊皇帝改元金統太行山在河內山陽縣西北上黨南又在懷慶府城北二十里山勢綿亘數千里雖各因地之名其實皆名太行

### 聚鄉民相接應占據河中

彈詞註卷八 上

五

黃巢起曹濮溫聚衆應之巢陷京師以溫爲東南面行營先鋒使討河中留後王重榮數爲重榮所敗溫乃因重榮以同州降都統王鐸表溫爲河中行營招討副使後重榮死子珂爲河中留後溫取河中執珂殺之奏乞除河中節度溫吏民請已爲帥河中全平陽府蒲州

### 勢敗也乃降唐獲功受賞

時唐僖宗在蜀以首相王鐸爲諸道行營都統會諸鎮兵討巢進逼長安官軍四集巢勢日蹙號令所行不出同華溫知其將亡遂以華州降唐鐸以溫爲同華節度使尋令兼淮南節度使又令爲蔡州四面行營都統進爵東平郡王更拜爲宣武宣義天平護國節度使未幾進爵梁王後又賜號回天再造竭忠守正功臣同華二州名俱屬西安府護國即河中今蒲州

### 賜御名易全忠猛氣兇鋒

唐僖宗賜溫名全忠溫狙兇兇克暴殘忍屠戮顧氏曰怒鬚仇目奸鋒中人險威震主虎負鷹視

### 所忌者晉蜀岐皆爲勍敵

封魏王加九錫夙廣宗

初全忠為宣武節度使李克用為雁門節度使王建為西川節度使李茂貞為鳳翔節度使各擁強兵屢相攻戰唐昭宗封克用爵晉王建蜀王茂貞岐王全忠梁王後全忠弒昭宗而立昭宣帝急於傳禪密使蔣元暉等謀之元暉以魏晉以來皆加九錫殊禮然後受禪全忠曰汝曹巧述閭事以沮我借使我不受九錫豈不能作天子耶元暉曰唐祚已盡天命歸王但以晉蜀岐皆吾勍敵王遠受禪彼心未服不可不曲盡義理然後取之元暉歸謀於柳璨等乃以全忠為相國總百揆進封魏王加九錫全忠怒不受綱目曰溫視唐宗猶枕上之肉惟所烹醢耳宣武軍名今開封府

效推戴張文蔚蘇循李振

初元暉等議加全忠九錫朝士多憤色唐禮部尚書蘇循揚言曰梁王功業顯大曆數有歸朝廷宜速行揖讓朝士無敢違者後昭宣帝禪位於梁遣宰相張文蔚及循與御史大夫薛貽矩等奉冊寶如梁全忠遂稱帝文蔚等舞蹈稱賀全忠舉酒勞之曰此皆諸公推戴之力也文蔚慚伏獨循與貽矩咸稱功德以

彈詞註卷八

六

為應天順人李振註見下

弒昭宗假啼哭無樣欺心

判官李振為全忠心腹每自汴至洛朝臣必有竄逐者時謂之鴟梟全忠欲立幼君易謀禪代遣振至洛陽與蔣元暉及朱友恭氏叔琮等圖之振遂與元暉謀夜弒昭宗於椒殿全忠聞之陽驚哭曰奴輩負我令我受惡名於萬代至東都伏梓宮慟哭殺友恭叔琮友恭臨刑大呼曰賣我以塞天下之謗如鬼神何

服衮冕篡唐朝改名朱晃

初張文蔚等率百官勸進全忠更名晃文蔚奉冊寶至金祥殿晃遂披衮冕即位是為後梁太祖

夾寨戰幽州戰眉蹙難伸

梁遣康懷貞攻晉潞州晉李嗣昭閉城拒守懷貞攻之不克乃築壘穿塹守之内外斷絕晉遣周德威救之壁於高河懷貞擊之大敗梁遣李思安伐之更築重城內以防奔突外以拒援兵謂之夾寨時相持逾年會晉王克用卒子存勗立與諸將謀曰朱溫所擇者先王耳聞吾新立必有驕怠之心若出其不意破



預料著自死後身無葬地

晃還至洛陽疾甚謂近臣曰我經營天下三十年不意太原餘孽更昌熾如此吾觀其志不小天復奪我年我死諸兒非彼敵也吾無葬地矣因哽咽絕而復蘇

縱淫邪私子婦狗行狼心

晃長子柳王友裕早卒次假子博王友文留守東都次郢王友珪為控鶴指揮使次均王友貞為東都指揮使晃恣意淫邪諸子在外常徵其婦入侍友文婦王氏色美晃尤寵之柳今湖廣柳州博今山東東昌府郢今武昌府均州名屬襄陽府

朱友珪高聲罵老賊萬段

友作為天報應寢殿尸橫

晃疾甚命王氏召友文欲付以後事友珪婦張氏知之密告友珪友珪遂入左龍虎軍見統軍韓勅相與合謀以牙兵從友珪襍控鶴士中夜斬關入至寢殿晃驚起曰我固疑此賊懼不早殺之友珪曰老賊萬段友珪僕夫馮廷諤以劍刺晃洞其腹刃出於背以敗體裹之瘞於寢殿友珪遂即位尹氏曰朱溫篡唐其兇暴悖逆世所未有溫既能以臣弑君故友珪亦能以子弑父其屠戮之慘皆天理昭昭之報也

朱友貞討逆賊誅兄報父

梁駙馬都尉趙巖晃之婿也奉使至大梁均王友貞密與謀誅友珪巖曰此事成敗在楊令公時楊師厚

彈詞註卷八 上 七

為天雄節度使宿衛勁兵多在麾下友貞乃遣心腹說之師厚謀之將佐或曰郢王親弒君父賊也均王舉龍虎統軍表象先謀巖歸亦與象先定計遂帥禁兵突入宮中友珪令馮廷諤先殺妻後殺已廷諤亦自殺友貞遂即位於大梁是為梁末帝 天雄軍名今大

### 寵張趙任段凝闇弱無能

德妃張氏卒將葬康王友敬使人於寢殿作亂執誅之友貞由是疎忌宗室寵任趙巖及妃兄弟漢鼎漢傑從兄弟漢倫等咸居近職弄權賣爵政事日紊段凝諂附張趙每出兵必使為監副捷奏至張趙悉歸功於凝凝重賂之求為招討使由是將士憤後梁將康延孝奔唐唐主存勗問以梁事延孝曰梁主閻孺張趙擅權段凝智勇俱無專斂行伍以奉權貴願陛下養勇蓄力直抵大梁擒其偽主天下定矣 康今肇慶府 德慶州

### 棄敬翔罷劉鄩一時智勇

平章敬翔深沉有智略從晃用兵三十年細大之務必關之及友貞立趙巖等用事翔每進言皆不聽後梁盡失河北翔曰國家疆土日蹙臣雖憊矣受國恩深願得自效巖等以翔有怨言遂棄不用後唐軍且至友貞遽呼翔曰朕居常忽卿言今急矣將若之何翔泣曰臣雖為相實朱氏老奴事陛下誰能為陛下獻言陛下不用致有今日雖生平復生誰能為陛下計者及唐軍入翔遂自縊鎮南軍節度使劉鄩好兵書有機畧唐主存勗嘗曰劉鄩用兵一步百計後與存勗相持於莘縣友貞以書責戰鄩報曰晉兵甚銳未易輕也友貞怒鄩曰主暗臣諛將驕卒惰吾不知死所矣後河朔皆入於唐罷鄩為亳州團練使段凝素惡鄩乃譖之罷鄩歸洛陽醜殺之 州縣屬東昌府亳州屬鳳陽府敬翔同州人

### 王鐵鎗好男兒豹死留名

招討使王彥章驍勇絕倫每戰用二鐵鎗皆重百觔一置鞍中一在手所向無前軍號王鐵鎗先是段凝趙巖之譖罷彥章還京師祇有保鑾五百騎以是時梁之勝兵皆屬段凝及敗彥章死戰唐將屬彥章至遞坊戰敗退保中都又敗彥章死戰唐將夏魯奇識其語音曰王鐵鎗也舉稍刺之彥章傷重



馬蹏遂被擒唐主存勗惜之謂弟以傳其劍彥章不知書常為俚言謂子曰豹死留皮人死留名存勗屢遣人誘諭之彥章曰臣與皇帝血戰十餘年今兵敗力窮不死何待豈有朝為梁將暮為唐臣遂見殺中都今兗州府汶上縣

### 李亞子大兵來號咷乞命

李克用病篤命立其子存勗為嗣謂其弟克寧曰以亞子累汝亞子存勗小字也王彥章嘗謂人曰李亞子鬪雞小兒何足畏至是唐兵至曹州梁守將皆降友貞聞彥章就擒唐軍且至聚族而哭召羣臣問策皆莫能對置傳國寶於卧內左右竊之以迎唐軍友貞惟日夜號哭不知所為曹州屬兗州府

### 皇甫璘揮短劍了當殘生

友貞謂指揮使皇甫璘曰吾不能自裁卿可斷吾首璘泣曰臣為陛下揮劍死唐軍則可矣不敢奉此詔友貞曰卿欲賣我耶璘欲自刎友貞持之曰與卿俱死璘遂弒友貞因自殺

### 父共子十七年風燈草露

梁太祖末帝父子共十七年

### 被唐朝追貶做小可凡民

唐毀梁宗廟追廢朱晃友貞為庶人

### 唐冢者乃唐朝沙陀降將

### 李國昌子克用赴難朝廷

李國昌本名赤心其先號朱邪蓋出於西突厥至其後世別自號曰沙陀而以朱邪為姓唐懿宗時赤心以有功拜振武節度使賜姓名曰李國昌子克用為沙陀副兵馬使唐僖宗乾符中克用殺大同防禦使段文楚自為留後僖宗乃拜國昌為大同節度使國昌欲父子并據兩鎮得制書毀之殺監軍與克用合兵擊寧武及崑崙黃巢陷長安朝廷赦之遣李友金召父克用克用始將沙陀兵趨河中赴難長安僖宗以為雁門節度使後封晉王至唐為朱溫所滅克用卒長子存勗嗣位遂稱帝國號亦曰唐是為後唐朱烈處月之別種西突厥柏耆世居金婆山之陽蒲類海東

其地有大磧名沙陀後因以沙陀為號以朱邪為姓  
振武軍名今大同府寧武故址在大同府朔州南尚  
嵐軍今為州  
屬太原府

### 獨眼龍破黃巢功居第一

克用一目微眇時人謂之獨眼龍與黃巢戰於渭南  
一日三捷巢敗走克用遂入京師時克用年二十八  
於諸將最少破黃巢復長  
安功第一諸將皆畏之

### 與朱温劈廝對屢次交兵

克用屢敗巢兵追巢至於窈句巢遁走克用還過汴  
州朱温館於上源驛克用乘水沃使氣温而平克用醉  
卧温發兵圍驛攻之左右以水沃其面而告之克用  
始張目援弓而起會大雨震電克用隨電縱城得出  
還太原訟於京師請加兵於汴德宗詔和解  
之克用由是不平與温互相攻伐兵連不已

### 憤逼京負罪愆群奸挑激

僖宗光啓元年河中王重榮與宦者田令孜有隙徒  
重榮兗州以王處存為河中節度使詔克用以兵護

彈詞註卷八

十

處存之鎮重榮使人給克用曰天子詔重榮俟克用  
至與處存共誅之因偽為詔書示之曰此朱温之謀  
也克用信之八上表請討温皆不許克用愈怒僖宗  
以重榮不徙兗州遣邠州王玫鳳翔李昌符討之玫  
等亦陰符於温欲朝廷討克用數遣人潛入京城燒  
積聚殺近侍聲云克用所為會重榮告急於克用克  
用遂以兵赴之與玫等戰於沙苑大敗之遂進逼京  
城令孜奉僖宗奔鳳翔克用退屯河中表請還宮因  
罪狀令孜請誅之令孜復劫駕至興元克用  
遂還太原 沙苑地名在西安府朝邑縣南

### 誓一生無改節義士忠臣

西川王建謀稱帝遺克用書曰請各帝一方俟朱温  
既平乃訪唐宗室立之退居藩服克用復書云誓於  
此生靡敢失節因語子存勗曰昔天子幸石門吾發  
兵誅賊臣當是時吾若披天子據關中自作九錫禪  
文誰能禁我顧吾家世忠孝立功帝室誓死不為耳  
石門鎮名惟西安府淳化縣北有石門山又平涼  
府靜寧州南有石  
門峽未知孰是

### 李存勗承王位雪仇三矢



克用卒子存勗嗣位為晉王初克用臨終以三矢賜存勗曰梁吾仇也燕王吾所立契丹背約歸梁三者吾遺恨也與汝三矢無忘父志存勗藏之廟用兵請矢盛以錦囊負而前驅後存勗果繫燕王劉守光父子于梁朱友貞君臣之首入太廟還矢焉

### 滅仇梁繼唐統氣槩豪英

唐天祐二十年存勗自立為帝仍廟祀高祖太宗懿宗昭宗以下上繼唐統國號曰唐是為後唐莊宗是年梁數道入寇存勗召諸將會議郭崇韜曰梁今以精兵授段凝凝非將材不足畏陛下若留兵守魏固保楊劉自以精兵長驅入汴彼城中空虛必望風潰矣存勗遂以大軍濟河至鄆州遇梁兵敗之追至中牟圍之梁兵潰擒梁將王克用謂存勗曰子志氣遠大必能成吾事歐陽修五代史曰方其繫燕父子以組函梁君臣之首入廟還矢其意氣之盛可謂壯哉

### 張承業一片心忠言逆耳

魏今大名府楊劉城名今東阿縣  
楊劉鎮是鄆州今兗州府鄆城縣

### 辜負了老勅使早自稱尊

初唐天祐十八年存勗謀稱帝魏州僧得傳國寶獻之將佐皆賀監軍使張承業諫曰吾王世世忠於唐室所以老奴三十餘年為王掎拾財賦自補兵馬誓滅逆賊復本朝宗社耳今元兇未滅而遽即大位殊非王父子之初心正何不先滅朱氏求唐後而立之使唐之子孫在孰敢當之使唐無子孫天下之士誰與王爭者臣唐家一老奴耳誠願見大王之成功然後身遂田里使百官送出洛東門令路人指曰此本朝敕使先王時監軍也豈不臣主俱榮哉存勗曰此非余所願奈羣下意何承業知不可止乃仰天大哭曰諸侯血戰本為唐家今王自取之誤老奴矣即歸太原不食而卒時年七十有七 承業字繼元 憲僖宗時宦者 昭宗以為監軍

### 堪憾處志驕盈矜功十指

荆南節度使高季興入朝及歸謂將佐曰新朝百戰方得河南乃對功臣舉手云吾於十指上得天下矜伐如此誰不解體吾無憂矣吳嚴可求亦謂徐溫曰閩唐主始得中原志氣驕滿不出數年將有內變但

保境安民以待之耳  
南軍名今荊州府

### 侮縉紳悅女色寵任伶倫

存勗自滅梁之後漸恣荒淫命伶人景進采擇民女三千餘人以充後庭尤寵任伶人出入宮掖侮弄縉紳羣臣憤激莫敢出聲四方藩鎮爭以賄賂結之其尤蠹政害人者景進好采閭閻鄙細事以聞存勗委以耳目由是干預政事施其讒慝將相大臣皆憚之

### 李天下壞名聲甘心下賤

存勗幼善音律或時自傅粉墨與優人共戲於庭以悅所寵劉夫人優名謂之李天下嘗自呼曰李天下李天下優人敬新磨遽前批其頰存勗失色新磨徐曰理天下者只有一人尚誰呼耶存勗悅厚賜之

### 得蜀驕輕屠膾汗馬功勳

唐遣魏王繼岌及侍中郭崇韜伐蜀崇韜入散關倍道而進王承捷以鳳興文扶四州迎降餘城鎮皆望風款附進逼成都蜀主衍降梁震謂李高興曰唐主得蜀益驕亡無日矣時崇韜在蜀與宦者向延嗣有

彈詞詳卷八

十一

隙延嗣歸譖之存勗怒復遣宦者馬彥珪詣成都曰崇韜若有遷延跋扈之狀則與繼岌圖之劉后復自為教與繼岌令殺崇韜彥珪至蜀繼岌遂如教殺之并殺其諸子時護國軍節度使朱友謙入朝伶人景進譖之亦見殺并詔李紹奇滅其家由是天下莫知崇韜等之罪人情疑駭李紹琛怒謂諸將曰國家南取大梁西定巴蜀皆郭公之謀而吾之功至於與國家犄角以破梁則朱公也今朱郭皆無罪族滅行及我矣紹琛所將多河中兵河中將焦武等號哭於軍門曰西平王何罪闔門屠膾我輩歸則同誅決不復東矣遂俱反於蜀顧氏曰汗馬勳臣闔門屠膾而失功臣之心鳳今鳳縣與今興安州俱屬漢中府文平陽府蒲州西平王郭崇韜追謚為西平王

### 登高歎石橋悲彷徨四顧

趙在禮作亂遣歸德節度使李紹榮詣鄴都招諭不從乃命成德節度使李嗣源討之軍士劫嗣源入鄴欲與俱反嗣源奔相州紹榮奔嗣源疑懼遂引兵據大梁上章自理皆為紹榮所遏嗣源疑懼遂發洛陽至萬勝鎮紹榮請存勗幸開東招撫存勗遂發洛陽至萬勝鎮聞嗣源已據大梁諸軍離叛登高歎曰吾不濟矣即



命旋師至石橋西置酒悲泣遂入洛陽  
歸德府相州亦即歸德郡五代唐所置今大名府

伶人郭從謙以有功得寵為從馬直指揮使郭崇韜  
方用事從謙以叔父事之及崇韜死從謙數以私財

享諸校對之流涕言崇韜之寃從馬直軍士王温等  
五人遂作亂擒斬之存勗戲謂從謙曰汝既負我附

崇韜又教王温反欲何為也從謙懼退謂諸校曰主  
上以王温之故俟鄴都平定盡阮若曹由是親軍皆

不自安從謙遂定計帥所部兵攻興教門存勗聞變  
帥衛兵擊之時亂兵已綠城而入近臣宿將皆釋甲

潛遁存勗為流矢所中鷹坊人善友扶至絳霄殿庶  
下抽矢渴憊須臾遂殂善友歛樂器覆屍而焚之

郭從謙優  
名郭門高

### 唐明宗李嗣源胡人異姓 勇鬪戰屢建功養子螟蛉

李嗣源本胡人無姓氏初名邈佶烈以騎射事克用  
屢立戰功克用養以為子賜名李嗣源及莊宗被弒

諸將立以為帝  
是為唐明宗  
彈詞註卷八 上

### 討鄴都軍士譁身為擁立

初存勗使嗣源討趙在禮於鄴都嗣源下令詰旦攻  
城是夜從馬直軍士張破敗帥眾大譟焚營嗣源叱

而問之對曰將士從主上十年百戰以得天下今主  
上棄恩任威云克城之後當坑魏博軍我輩初無叛

心但畏死耳今欲與城中合勢請主上帝河南令公  
帝河北嗣源泣諭不從遂劫入城在禮帥諸校迎拜

嗣源詭以出城收兵奔相州上表自理為李紹榮  
所遏嗣源不得已遂遣石敬瑭以兵入據大梁

### 入洛陽監國政志在經綸

嗣源至罍子谷聞存勗被弒乃慟哭入洛陽止於私  
第百官勸進嗣源曰吾奉詔討賊不幸部曲叛散欲

入朝自訴又為紹榮所隔披猖至此諸軍見推  
殊非相悉後百官三上牋請嗣源監國乃許之

### 遠女色減中宮英明有道

時宣徽使選後宮美少者數百獻之嗣源曰奚用此  
為對曰宮中職掌不可闕也嗣源曰宮中職掌宜請

故事比輩安知乃悉用老舊者量留後宮百人宦官三十人又除稅省耗及罷四節貢奉

### 惜生民休士馬五穀豐登

嗣源在位八年兵革罕用年穀豐登蔚代緣邊粟斗不過十錢較於五代粗為小安

### 夜焚香禱蒼天早求誕聖

嗣源每夕於宮中焚香祝天曰某胡人因亂為衆所推願天早生聖人為生民主

### 只末年諱儲嗣激喪從榮

太僕少卿何澤表請立秦王從榮為太子嗣源不悅私謂左右曰羣臣請立太子朕當歸老太原舊第耳議遂止從榮驕矜不為時論所與心忌宋王從厚嘗懼不得為嗣至是嗣源寢疾從榮入問疾嗣源俯首不能舉從榮出聞宮中皆歎意父已殂乃謀以兵入宮宣徽使孟漢瓊入白曰從榮反兵已攻端門矣嗣源指天泣下謂侍衛指揮使康義誠曰卿自處置控鶴指揮使李重吉從珂之子也時侍側嗣源曰爾亟以兵守諸門重吉即以控鶴兵守宮門是日從榮自河南府擁兵千人以出陳兵天津橋北使人召義誠

彈詞註卷八 上

一四

而端門已開叩左掖門亦閉漢瓊使馬軍指揮使朱洪實帥騎討從榮從榮潰走歸府皇城使安從益進斬

### 唐愍帝恰臨朝時衰運拙

宋王從厚明宗第五子時為天雄節度使從榮伏誅遣孟漢瓊召從厚於鄴至是即位是為愍帝

### 李從珂王氏子反入西京

李從珂本姓王氏小字阿三鎮州平山寡婦魏氏之子嗣源掠得之養以為子名曰從珂時為鳳翔節度使朝廷從之河東從珂遂於鳳翔舉兵反從厚以康義誠為招討使將兵拒之從珂至陝諸將及義誠皆降從厚遂出奔衛州從珂入洛陽廢從厚為鄂王而自立 鎮州今真定府平山縣名屬真定府衛州今衛輝府鄂州今武昌府

### 辭鳩酒用麻繩哀哉短命

衛州刺史王弘贇遷從厚於州解從珂遣弘贇之子巒往鳩之從厚不飲巒縊殺之



一家兒妻共子總做冤魂

從厚出奔妃孔氏病四子俱幼不能從珂俱殺之

### 唐潞王篡李氏戕民賞衆

從珂初封潞王弒從厚自立國號亦曰唐是為唐廢帝珂從珂發鳳翔許軍士以入洛人百緡既至闕實府庫金帛不過三萬兩而賞軍之費計應用五十萬緡三司使王政請率京城民財以足之數日僅得數萬緡執政請據屋為率無問士庶自居及儼者預借五月儼直從之

### 除菩薩扶生鐵變了人心

是時有司百方斂民財及竭左藏舊物與諸道貢獻乃至后妃器服簪珥纔二十萬緡從珂患之學士李專美曰財力盡於此矣宜據所有均給之乃詔禁軍在鳳翔歸命者賜錢七十緡至二十緡在京者各十緡軍士無厭怨望曰除去菩薩扶立生鐵以愍帝仁弱從珂剛嚴有悔心故也

### 千春節歸反疑漏言公主

彈詞註卷八上

### 不隄防石駙馬引動蕃兵

河東節度使石敬瑭初尚明宗女永寧公主為駙馬都尉從珂忌之至是以千春節置酒公主上壽畢辭歸晉陽從珂醉曰何不以千春節歸欲與石郎及珂敬瑭疑懼欲嘗從珂之意表陳羸疾乞移他鎮從珂遂從為天平節度使敬瑭謀於將佐曰吾之來河東也主上面許我終身不除代今忽有是命得非如今年千春節與公主所言乎掌書記桑維翰曰公明宗愛婿主上以反逆見待此非首謝可免但力為自全之計契丹主素與明宗約為兄弟公誠能屈節事之朝之敬瑭遣使求救契丹契丹主德光將兵起援與唐騎將符彥卿等合戰敬瑭遣都押衙劉智遠助之唐兵大敗契丹遂以敬瑭南下復破唐兵於圍柏敬瑭遂直趨洛陽所在將校皆降天平軍名今兗州府東平縣圍柏唯潞州城北有柏谷山又太原府祁縣境東有圍柏鎮維翰字國僑河南人

### 一炬火元武樓化成灰燼

時敬瑭將至從珂與曹太后劉皇后及雍王重美等攜傳國寶登元武樓自焚死

十三年傳四主急雨殘雲

唐自存勗至從珂凡四  
主共十三年而後唐亡

廿一史彈詞註卷之八上

彈詞註卷八

上

二六